



西江志卷第一百七

祥異

箕陳禹範休咎竝徵雨暘寒燠曰時與恒劉班繼之用志
五行占或強配兆於何憑昔分白黑事關廢興凡諸曲說
刪之弗勝紀載爰稽據實斯登於郡於邑為災為禎禎則
其常災以異稱詳於既往消厥未萌作祥異志

漢

高祖六年廬山崇聖院產芝九本

林志

文帝五年吳暴風雨壞城及官府民舍

豫章書

十二年有馬生

角於吳角在耳前上鄉右角長三寸左角長二寸皆大二
寸劉向以為馬不當生角猶吳不當舉兵上向也時吳王
濞封有四郡五十餘城內懷驕恣天戒數見終不改悟後

卒誅滅 豫章書

建平中豫章有男子化為女子嫁為人婦生一子 豫章書

建武二十四年九江多虎大蝗 林志

永平十三年白鹿見南昌 林志 永平末豫章蝗穀不收民饑死

每縣幾數千百十人 五行志注

元和二年白鳥見南昌時李儀為太守 林志 三年海昏縣出明

月珠 縣東十五里地名珠溪 大如雞子圓四寸八分 古今注

永元十一年豫章餘干得白鹿高丈九尺 古今注

永初六年夏六月豫章負谿原山崩共六十三所 鄭樵通志

元初六年南昌芝草生 通鑑綱目

永和間豫章太守孔竺臨郡三月白雀出南昌 藝文類聚

吳

黃武元年鄱陽白龍見三年鄱陽大饑七年豫章黃龍見 安志

赤鳥十一年夏五月鄱陽言白虎仁 豫章書

太平初嘉禾生南城 豫章書

永安六年赤雀見豫章 豫章書

晉

太康元年豫章生嘉禾龍見於建昌七里汀立祠祀之後禱

雨輒應 志安 三年白雀見豫章 玉海 五年秋七月嘉禾生南昌

秋九月南安大霖雨暴雪樹木摧折害秋稼 鄭樵通志 七

年木連理生豫章太守蘭隸以聞是年豐城得寶劍二曰

龍泉曰太阿初有紫氣見牛斗間雷煥以為寶劍之精因

掘獄得之 志安 八年夏四月木連理生廬陵東昌 白下大記

元康四年秋七月白鳥見鄱陽 豫章書

永興元年彩雲覆豫章甘露降麒麟見是年石陽地震水湧
山崩二年蝗大饑安志

永嘉六年秋七月豫章郡有樟樹久枯忽更榮茂元帝中興
之應也永嘉末豫章有大蛇長十餘丈斷道過者蛇輒吸
之吞噬百人吳猛與弟子殺蛇猛曰此是蜀精蛇死而蜀
賊當平既而杜弢滅豫章書

太興元年正月麒麟見豫章豫章書冬十二月廬陵豫章地震

湧水出鄭樵通志二年夏五月蝗豫章書三年春正月白鹿二見

豫章孫氏瑞應圖云白虎

咸和二年春二月南昌有騶虞見安志夏四月己未豫章地震

鄭樵通志四年冬十月柴桑廬山西北崖崩豫章書

咸康二年秋七月白鹿見望蔡豫章太守桓景獲以獻五年

南昌民掘地得銅鐘四枚太守褚裒以獻豫章書

永和十二年秋七月甲申白兔見鄱陽太守王耆之以獻并

上頌一篇豫章書

升平四年春二月鳳皇將九雛見於豐城安志

興寧三年夏五月廬陵西昌修明家有僵粟忽復起晉書

咸安二年春三月白虎見豫章南昌縣西鄉石馬山前豫章書

太元元年廬陵巴丘人夕見者世以田作為業年常田數十

頃是年秋收已過獲刈都畢明旦至田禾悉復滿鬱然如

先即便更獲於是遂巨富續搜神記六年夏六月江州大水豫章書

十一年秋八月乙酉白鳥集江州寺庭羣鳥翔衛豫章書

十四年桐木連理生豫章新淦陸地生蓮太守范甯表聞

藝文類聚 冬十一月辛亥白虎見豫章豫章書 十六年太守范甯

獻白鹿一頭晉起居注 十八年夏六月己亥南康廬陵大水深

五丈鄭樵通志

元興三年江州竹生實如麥夏六月白雀見新淦獲以獻豫章書

義熙元年南康零都山有金鷄青黃色飛集巖間豫章書 五年

春正月戊戌夜潯陽地震有聲如雷七年白雉見南昌安志

八年自正月至四月南康廬陵地四震鄭樵通志 義熙中豫章

郡吏易拔還家不返郡遣使追拔見拔語言如常亦為設

食使者追令束裝拔因語曰汝看我面乃見眼目角張身

有黃斑色便豎一足徑出門去家先依山為居一至麓即

變成三足虎豎一足即成其尾異苑 晉末江州人年百餘歲

頭上生角後因入舍前江中變為鯉魚角尚存首自後時暫還容狀如平生與子孫飲數日輒去晉亡絕不復見廣古今五行記

宋

永初三年謝南康家婢行逢一黑犬語婢曰汝見我背後人

否婢舉頭見一人長三尺有兩頭婢驚怖反走人犬隨婢

後至舉家避走婢問犬汝來何為犬云乞食耳於是婢與

設食食訖兩頭人出婢因謂犬曰人已去犬曰正慮復來

良久沒不知所在續搜神記

文帝初為宜都王臨川人獻王萍實六子大者如斗小者如

鶴卵圓而赤初莫有識者以問長史王華曰此萍實也宣

尼所謂王者之應宋祚當卜年六百頃之宜都王即位宮

故事元嘉五年秋夕豫章胡充家有大蜈蚣長二尺落充婦
 與妹前令婢挾擲纜出戶忽覩一姥衣服臭敗兩目無睛
異苑六年春三月白象見安成安復江州刺史南譙王義
 宣以聞十七年潯陽祐成湖芙蓉生連理二十年夏五月
 廬陵郡池芙蓉二花一蒂太守王淵以聞二十一年白雀
 見南昌二十二年春二月辛未白鹿見贛縣南康相劉興
 祖以獻豫章豫寧得銅鐘江州刺史廬陵王紹以獻二十
 四年春二月壬午臨川王第梨樹連理臨川王燧以聞三
 月甲寅甘露降潯陽廬陵王紹以聞夏四月癸未甘露再
 降潯陽丙申又降江州城內桐樹丁酉又降城北數里廬
 陵王紹以聞二十七年夏四月乙卯至戊午甘露頻降南
 昌戊午午時天氣清明有彩雲映覆郡邑甘露自雲中降

太守劉思孝以聞二十八年春正月戊子木連理生潯陽
 柴桑又生州城內江州刺史建平王宏以聞秋七月癸卯
 潯陽柴桑菽粟旅生彌漫原野建平王宏以聞二十九年
 秋八月癸酉白鹿見鄱陽南中郎將武陵王瑋以獻豫章書

孝建二年餘干地震死者二十九人志安三年春三月庚子白

鹿見臨川西豐夏四月丁亥臨川宜黃縣民於田中得銅
 鐘七口內史傅徽以獻豫章書

大明元年夏四月戊申白雀見潯陽冬十月丁丑木連理生
 南昌五年夏五月白雀二見潯陽江州刺史桂陽王休範
 以獻七年春三月丙申甘露降潯陽太守劉濛以聞夏四
 月乙未白雀集廬陵王第廬陵王敬先以獻豫章書

西漢志 卷一百一十五
秦始皇二年嘉蓮一雙駢花竝實合柎同莖生豫章醴湖海玉四

年春二月丙申望蔡獲古銅鐘高一尺七寸圍二尺八寸

太守張辯以獻五年夏五月壬戌南昌獲古銅鼎安志云上有篆

文容斛七斗江州刺史王景文以獻六年秋七月壬午白

雀二見廬陵吉陽內史江孜以聞冬十二月壬辰木連理

生南昌太守劉悛以聞豫章書

元徽五年夏四月乙巳白雀二見潯陽柴桑江州刺史邵陵

王友以獻豫章書

昇明三年左里人於宮亭湖得鞞戟二枚旁有古字年遠不

可識豫章書

齊

建元元年夏廬陵長溪水衝擊山麓崩六七尺下得柱千餘

根皆十圍長者一丈短者八九尺頭題古字不可識江淹

以問王儉儉云江東不諳隸書秦漢時柱也豫章書建元中

庾崇於江州溺死爾日即還家見形一如平生多在妻樂

氏室中妻初懼呼諸從女作伴於是作伴漸疎時或暫來

輒恚云貪與生者接耳反致疑惡豈副我歸意耶從女在

內紡績忽見紡績之具在空中有物撥亂或投之於地從

女怖皆去崇即常見有一二歲兒就母求食母曰無錢食

那可得崇乃悽愴撫兒頭曰我不幸早世令汝窮乏念汝

愧汝情何極也忽將二百錢置妻前云可為兒買食如此

經年妻轉貧苦崇云卿既守節而貧苦若此真當相迎耳

未幾妻得疾亡崇乃寂然幽明錄四年春三月白虎見虔化

縣安志

永明元年夏五月木連理生安成新喻縣二年彭澤獲白雉
一頭三年春正月安成縣榆樹二株連理秋七月安成王
曷第獲白雀一頭四年夏四月東昌縣山自比歲以來恒
發異響二十五日有一巖褫落縣民方元泰往視於巖下
得古鐘一枚齊書五年望蔡獲白鹿一頭春三月豫寧縣長
岡山得神鐘一枚八年餘干縣獲白獐一頭冬十二月柴
桑縣陶委天家樹連理十年鄱陽郡獻一角獸龍首鹿形
龍鸞共色豫章書

梁

天監二年夏六月太末信安安豐大水五年廬陵太守王希
昉於高昌縣之仁山獲銅瑞劍二口以聞六年夏六月新
吳縣獲四目龜一豫章書九年望蔡縣得銅鐘內史表箋以

獻

安志

十年夏五月癸酉安豐縣獲一角元龜

豫章書

大同八年安成劉敬躬者田間得白蛆化為金龜將銷之生
光照室敬躬以為神而禱之所請多驗後謀反伏誅豫章書

太清三年夏六月江州大饑人相食

豫章書

大寶二年夏六月陳霸先發南康贛江水暴起數尺灘石盡
沒進軍頓西昌有龍見水濱高五丈有五采色觀者數萬
人霸先獨坐胡牀於閣下忽有神光滿閣燭照廊廡趙知
禮怪問不答尋進軍討侯景破之淳熙志

承聖三年春二月十日司徒府主簿柳萇卒其子褒葬於九
江三年因大雨壞冢移葬換棺見父棺中目開心有暖氣
良久乃謂褒曰我生已一歲無因令汝知九江神知我橫
死遣地神以乳飼我故不死今雨壞我冢亦江神所為也

扶出更生三十年卒 窮神祕苑

陳

天嘉五年春正月乙酉江州湓城火死者二百餘人 安志

太建七年冬十二月甲子南康郡獻瑞鐘一十四年秋七月

辛未江水色赤如血 豫章書

隋

開皇三年餘干大水漂市民三十五家 安志

唐

武德六年慶雲見洪州 安志 九年江州都督太子衛副率侯君

集於納義門獻白雀一 豫章書

貞觀十五年洪州獻元珪 玉海 十九年餘干鶴生三雛一赤翎

二白翎時縣令顧錫 豫章書 貞觀間洪州馬孝恭入南山化

為虎二十年後轉為人而死 安志

永徽元年夏六月饒州大水溺死者數百人 豫章書

顯慶元年秋七月吉州火焚倉廩甲仗及民居二百餘家冬

十一月己巳饒州火 豫章書 四年建昌白鳥集 安志

龍朔二年南康景雲見 安志

麟德六年望蔡縣來白麋入民家馴擾不驚郡守獲之以獻

二十七年春筠州大水 安志

垂拱三年饑天授元年白鹿見餘干習善鄉萬歲登封元年

春三月壬寅撫州火 豫章書

開元五年洪州火延燒州署州人見有物赤而噉噉飛來旋

即火發 林志 十三年撫州三脊茅生 豫章書 十八年白鹿見豫

章二十七年春三月袁江二州水 豫章書 開元中清江郡叟

嘗牧牛田間忽異聲自地中發叟驚走辟易自是病病少
愈夢一青襦丈夫曰遷我於開元觀叟驚寤不知其旨後
又適野復聞之即以其事白郡守封君叱遣之是夕叟又
夢青襦者告曰吾委跡地下久矣汝速出我不然得疾叟
大懼及曉與其子偕往鑿地丈餘得一鐘色青乃向所夢
丈夫衣色也遂再白郡守郡守置於開元觀不擊自鳴聲
極震響清江人俱異郡守上其事玄宗詔宰臣李林甫圖
其形告天下宣室志開元末武勝之知靖江軍忽見灘中雷
踐微雲逐小黃蛇盤繞灘上靖江夫戲以石投之中鎗然
作金聲雷乃飛去使人往視之得一銅劍有文曰許旌陽
斬蛟第三劍云廣異記

天寶初臨川郡人李嘉胤屋柱生芝草狀如天尊像太守張

景佚截獻之豫章書

大曆七年春二月庚午江州水溢豫章大曆間仙鶴巢於大
果寺樹安志

貞元元年嘉禾生洪州或五莖四穗或兩莖三穗安志二年洪
州火燔民居萬七千家林志十年夏四月江州溪澗魚頭皆

戴蚯蚓豫章書十一年星子來白鹿李渤馴焉飼以自娛今
白鹿書院因此名也安志

永貞二年秋洪州火燔民舍七千家安志
元和二年秋洪州大旱安志三年旱四年秋旱七年夏五月饒

撫虔吉信五州暴水虔尤甚平地有深至四丈者豫章書高
安城中火焚官舍民居甚多安志九年秋江撫袁等州大水

害稼豫章書十一年秋九月饒州大水漂失四千七百戶綱目

十五年六月十六日慶雲見袁州西北至暮方散刺史韓愈以表圖稱賀昌黎集秋洪吉信等州水豫章書有星隕於牙

門將孔知讓第仰山古廟獅鳳見安志

長慶三年秋洪州螟蝗害稼八萬頃豫章書四年冬十一月吉

州大水安志

寶曆元年秋旱豫章書

太和四年大老鼠害稼八年秋水害禾豫章書

大中間虔州刺史賈琮入覲駐旌遂興江口見州有五色祥

雲起因名萬安為五雲林志

咸通七年白鹿見餘千萬年鄉以獻豫章書

中和七年瑞州昇元觀生瑞竹自根至三尺岐為兩竿安志僖

宗朝南平王鍾傳於真陽觀內修元齋忽有一香爐自天

而下其爐高三尺下有一盤盤內出蓮花一枝十二葉葉

間隱出一物即十二屬也爐頂有一仙人戴遠遊冠著雲

霞衣其像端妙左手搯頤右手垂膝坐一小盤石石上有

花竹流水松檜之狀雕刻奇怪非人功所及也其初降時

凡邑民侵據本觀莊田即飛於田所放大光明邑民懼即

以其田還觀南平王聞其靈異遣使取至江西供養忽一

夕失爐尋之却還舊觀名曰瑞爐故丞相樂安公孫俛南

遷路經此觀留題末句云好是步虛明月夜瑞爐飛下醮

壇前瑞爐如金色可六七斤玉堂閒話

天復中豫章人治舍掘地得一木匱發之得金人十二頭各

長數寸皆古衣冠首戴十二辰屬款式精麗殆非人為其

家寶祠之因以致福稽神錄

天祐中吉州龍興觀有巨鐘上有文曰晉元康年鑄鐘頂有一竅故老相傳則天時鐘聲震有詔鑿之其竅是也忽一夜失鐘所在至旦如故玉堂閒話七年庚午夏洪州寶石於越王山下昭仙觀前有聲如雷光彩五色濶十丈表吉江洪四州皆見觀前五色煙霧經月乃散錄異記唐末安福縣生蓮一莖四房時楊彥伯為宰豫章書

後唐

同光二年洪州民生男豕首鶴足安志

南唐

保大二年袁州火三年筠州州治火安志南唐間紫芝生廬陵

歐陽家屋楹

六一居士家譜

南唐時南昌新義里地陷長數十步

廣者數丈狹者七八尺

稽神錄

南唐時吉州民有失小衫者

疑牧童竊之愬於官牧童末由自明俄雷擊一牛腹中有衫牧童乃免蕭儼曰疑獄每蒙天讞則刑可措矣徐鉉曰誠如是則何用法官豫章書

宋

太平興國二年饒州獲六目龜以獻七年江州水漲豫章書雩

都九州鎮掘井得瓠甌十二上皆有會昌篆文安志

雍熙二年虔州吏李祚家馬生駒足各有二距安志冬十二月

南康軍大雨雪厚三尺江水冰合可勝重載綱目

淳化元年夏六月吉州大雨江漲丈三尺漂壞民田廬舍江

州水漲二丈八尺秋七月洪州江水漲壞城三十堵漂民

舍二千餘戶豫章書

咸平元年夏六月大雨壞洪州城漂沒二千餘人林七年夏

五月撫州修天慶觀解木有文如墨畫雲氣峰巒人物衣冠之狀白雀二見餘干福應鄉異鹿見餘千萬春鄉毛青如荷葉文白如梅花時縣令吳在本有異政

豫章書

景德三年撫州獻白鳥有詔罷免歲貢四年信州饑

豫章書

大中祥符元年夏五月龍墜於餘干之李梅峰七日不起將

屠之暴雨迅雷而去

志安

冬十二月甘露降上饒縣二年汀

州人王捷自言於南康遇道人姓趙氏授以小環神劔蓋

司命真君也宦者劉承珪以事聞賜捷名中正而災祥之

說起矣三年春二月饒州獻芝草四本夏六月吉州臨江

軍竝江水泛溢害民田秋七月吉州言嘉蓮一莖二花袁

州水漲墮州城四年秋七月洪江筠表江漲沒民田六年

春二月廬山崇聖院生芝九本知州王文震以獻夏四月

饒州承天院東山生紫芝四本連葉秋八月建昌民於麻姑山仙都觀設醮己巳五鼓有龍出玉皇殿西北醮壇下升中天迴視長數尺金色隱隱有雷聲聞數里九月清江縣民李公邁在雲騰廟前遇小童贈塊土還家剖之得天尊像五軀

豫章書

天禧元年浮梁縣山竹生實如米四年冬十一月上饒民王

壽園中生芝草三本皆金暈其二連理

豫章書

景祐元年秋八月分寧縣大水漂沒民居死者三百七十餘

人

志安

袁州霪雨暴漲壞民廬舍官署圖籍倉庫皆淹沒

林志

三年夏六月虔吉等州水溺死者賜其家緡錢

豫章書

慶曆三年浮梁大水

林志

四年吉州甘露降夏五月乙亥金谿

縣得生金山重三百二十四兩五年秋八月洪州章江禪

院堂柱芝草生高一尺二寸葉二十一層色白黃有紫暈
旁生小芝葉九層上有氣如煙豫章書

皇祐二年夏六月信州水破城沒官舍淹民居林四年甘露
降吉州仁宗實錄

嘉祐元年浮梁鄭夢龍園池生荷花一蒂雙萼八年豐城李
君儀為袁州軍事判官明年權知萍鄉縣事居數月一夕
臥室中燈忽起引焰高數尺如是者再三能改齋漫錄

治平元年洪州水安志

熙寧元年秋九月撫州有白兔豫章書二年夏六月吉州城西

池生瑞蓮林秋八月吉州玉虛觀生芝叢安志三年夏六月

己未饒州長山雨木子數畝狀類山芋子味香而辛土人
以為桂子又曰菩提子是年大稔新建吳城山相傳小龍

即吳許二君所誅大蛇子宋封順濟王有真宗御製戒蛇
石刻熙寧中遣太常林希逸致祭有異蛇墜祝上翌旦行
禮蛇引首望禮畢出循几案俄頃入帳中及希逸還蛇復
尾舳艫送至彭蠡而沒豫章書

元豐元年芝草生南昌射圃豫章書二年袁州生嘉禾安志夏四

月南康軍甘露降六月又降豫章書秋洪州稻已獲再生皆

實安志三年臨江軍芝生四十三本豫章書六年八月吉州生

芝草三十本是年芝二本生於州院獄門之東又生於郡
齋又生於西峰之秀野亭最異者黃芝異本同穎時廬陵
守魏綸有能名即秀野亭以為三秀亭屬黃庭堅記之黃

山谷文集

元祐元年宜春進士王忱家產粟二本四穗長尺餘司理李

沖元為瑞粟記表志八年晉陵邵叶為新昌宰視事之三月
靈芝五色十二生於便坐之室黃山谷文集

建中靖國元年信州旱豫章書

大觀二年大旱夏六月至冬十月不雨豐城縣得古鐘大小
九具有篆文詔令進上安志秋八月瑞州木連理大觀中甘

露降瑞州時郡守曹坦四年夏六月瑞蓮生袁州學西合
柎同莖駢花竝實州守趙瑞記秋九月右丞相張商英言

袁州產瑞禾高踰九尺分布七穗上瑞禾圖豫章書

政和元年辛卯虔州生芝草仰山太平禪院產嘉穀安志政和
間吉水李籌兄弟母墓在匡山木連理豫章書

宣和間永豐曾正矩家池亭蓮一本而兩葩竹一幹而兩竿
林志宣和間新喻傅侯初為蘄春蔡氏壻登第之歲婦家簇

蠶不繭綠屋吐絲自然成段長丈餘廣數尺厚薄若一如有

邊幅然鄉人以為祥賦詩盈軸有一聯云園客有絲難比

甕鮫人無籽自成綃號為絕出能改齋漫錄六年袁州火林志

建炎四年分寧縣治火安志

紹興初朱勝非出守江州過梁山龍入其舟纜長數寸赤背

綠腹白尾黑爪甲有聲日有光三年樂平早撫州祥符觀

甘露降知州高衛繪圖以聞吉州饑令宣諭使賑之四年

筠州水害稼自夏及秋江西九州三十七縣皆水豫章書七

年饒州水壞城九年饒州大饑林志十三年秋七月玉山縣

西七里居民謝七婦化為牛婦不孝於姑飯姑以麥不得

飽而自飯白杭是年七月七日婦與夫俱出有遊僧從姑

求食姑不敢與俄而婦歸僧徑就求飯婦大怒且毀吐之

僧求愈切婦咄曰脫汝身上袈裟來換乃可僧脫衣授之
婦反覆細視戲披於身僧忽不見袈裟變牛皮牢不可脫
曾間先生毛一片漸變四體頭面俱成牛其夫走報婦家
父母遽至儼然全牛矣十四年春正月樂平縣何衝里田
隴數十百頃田中水如為物所吸聚為一直行高平地數
尺不假隄防而水自行里南程氏家井水溢亦高數尺天
矯如長虹聲如雷穿牆毀樓二水鬪於杉墩且前且却約
十餘刻乃解各復故夏四月虔州民屋毀折柱木理有字
五其文曰天下太平時綱目秋八月撫州獻瑞粟一本八穗
一本九穗詔付史館十五年臨川禾生九穗州守晁謙之
表聞乞付史館十九年夏四月甘露降江西路二十一年
春二月辛未南安軍大雷雹大庾令連潛初至吏人抱文

書環立忽有黑氣晦暝咫尺不相視掣電震霆仆羣吏於
地令悸甚匍匐案下少頃乃霽吏死者四人昔皆為經界
司吏云是年饒州鄱陽縣石門民家籬竹生重萼牡丹又
民家竈鼎生金色蓮花虔州亦有蓮同蒂異萼二十三年
新喻有巨室篋中時有火光燔衣帛過半而篋不焚豫章書
二十五年湖口縣赤龍橫水中寒風怒濤覆舟數十人多
溺死安志冬十月以南安雙蓮花贛州瑞木信州芝草竝繪
於旗信州林璣奏秦檜父祠堂生芝高宗曰此諛佞也明
年詔郡國無獻瑞豫章書二十七年洪州暨各郡大水安志是
年鄱陽縣有妖鳥鳧身雞尾長喙方足赤目止於民屋數
日彈矢不能中亦羽孽也豫章男子見田中有六七女不
知是鳥匍匐往得一毛衣取藏之即往就女諸女各衣毛

衣化為鳥飛去一女獨不得去男子取以為婦生三女其
後母使女問父知衣在積稻下得之衣而飛去後以衣迎
三女亦飛去三十年春撫州宜黃縣有大蛇見於丞治長
二丈捕之縱數里外俄復至者數四豫章書時大庾村中李
氏二貓各乳三四雛更出迭入相為乳一為犬所斃其一
遂銜雛置一處雛雖小往往含忿作聲貓徧舐環抱聲息
繾綣若安全之乳力不能徧及日瘠一日而哺養如初能
食乃已又大庾劉公輔以承務郎致仕居東門有犬乳一
子踰年而斃公輔命僕瘞他所僕烹而食之其子聚所棄
骨窖於地環繞鳴號不食者累日好事者作孝犬記紹興
間吉安王珠廬母墓有雙竹靈芝之異甘露降浮梁李椿
年母墓樹林志

隆興元年春萍鄉池蓮一本三花是年袁州發解進士四人
萍鄉居其三州守趙瑞為圖林志時白鹿見南昌三年秋八
月積潦至九月禾稼皆腐隆興四縣為甚四年秋七月饒
信水六年夏五月大水八年臨江隆興大水九年夏五月
隆興吉饒信水圯民居壞田圩豫章書

乾道元年永寧寺池前大樹化為龍飛去安志四年夏六月隆

興旱五年夏饒信大饑民多流徙豫章書秋七月龍鬪於武

寧縣西北大雨迅雷二龍奔逝墮珠於復塘村為牧豎所

得自是連年水安志七年隆興江筠饒南康臨江首種不入

冬不雨秋江筠州隆興饑人食草實流徙淮甸發廩賑之

不給詔立勸分賞格內出左帑增賑饒州收育棄孩八年

隆興府江筠州臨江軍大旱九年吉贛臨江南安久旱無

麥苗浮梁大水隆興府鼠害稼千萬為羣甚於螟蝗九年

秋吉贛臨江南安皆螟豫章書

淳熙元年饑賑以常平義廩六十二萬斛豫章書二年彭澤馬

當山羣狐掠人安志五年旱豫章書七年春三月不雨大旱蝗

民饑筠州大水淹沒田廬安志夏五月丙辰分宜大水林志八

年春江州饑安志云諸郡大旱自人採葛而食詔罷守臣

章驛饒州流徙入淮郡者萬餘人夏五月江州水九年春

德興縣民家有鏡自飛舞與日光相射夏五月不雨至秋

七月隆興吉撫筠袁臨江建昌旱豫章書是年筠州無訟堂

產瑞芝時趙謐為太守十年鄱陽南鄉民生子兩肘有三

臂長能鬪六臂竝運後不知所終安志秋八月信吉二州水

十一年夏四月不雨至秋八月吉贛建昌旱吉尤甚冬不

雨至明年二月十二年饑令帥臣賑粟十四年夏五月隆

興饒州江吉撫筠袁臨江建昌皆旱給度僧牒鬻以糴米

備賑十五年吉州治東池生雙蓮太守朱希顏有記豫章書

是年隆興府大水奉新尤甚淹沒八百餘家安志十六年夏

五月分宜水豫章書時廬陵三山曾季淵家有合抱二木隔

道株相連理林志

紹熙四年吉州水漂沒民廬及泰和官舍自夏及秋江西九

州三十七縣皆水五年饒信江撫諸州水豫章書

慶元元年樂平民產子人體有尾又民家生數豚而首各備

他獸形亦有人首者又更其他獸蹄又鄱陽民家有一貓

帶數十鼠行止食息皆同如母子相哺者民殺貓而鼠舐

其血鼠象盜貓職捕司盜廢職之象也與唐龍朔洛州貓

西江志 卷一百一
七
虎同占

豫章書

二年秋七月進賢縣民產子首有角腋有肉

翅面具三目有尾

安志

三年夏四月饒州餘干民家生八豚

其二為鹿樂平縣田家牛生犢一角鱗身肉尾農以不祥

殺之或惜其為麟同縣萬山牛生犢人首德興縣羣狐入

民舍四年夏五月不雨至七月旱六年饒信及江西郡國

皆大水自庚午至甲戌流民廬害稼

豫章書

嘉泰間金芝生廣昌縣解三年秋七月水害苗稼四年春撫

袁隆興臨江大饑殍死者不可勝瘞有舉家二十七人同

赴溺者令郡縣發常平倉賑之部使者益以緡粟

豫章書

開禧二年南康軍旱

豫章書

三年夏五月浮梁大水

林志

嘉定元年夏五月甲子安福荆山民早出忽一星墜於前亟掘地得之光彩燦燦毀為數十片亦如之二年夏六月有

年秋八月己巳信州火燔民廬二百家九月丁酉吉州火

燔五百餘家冬十月撫州火七年春正月庚辰江州燈夕

黑雲暴風暮作郡治遊人相踐死於門者二十餘人八年

南昌春旱首種不入至八月乃雨樂平旱九年夏五月信

饒大水流田廬害稼

豫章書

十年饒州大饑

林志

十四年旱吉

贛建昌為甚十五年夏五月不雨至七月贛州大旱十七

年夏五月建昌大水圮民廬城郭害稼

豫章書

紹定間產芝二本黃房紫萼十二層十六葉在饒州宣聖殿

林志四年秋九月建昌軍火

豫章書

端平元年夏六月朔大風雷屋瓦皆飛鳥獸驚駭豐城縣晝

晦大風雨雹吹瀕江廬舍於水人多溺死縣治寺觀飄揚

飛去帥守陳鞞自劾於朝

安志

嘉熙四年夏六月江西大旱蝗 豫章書

淳祐元年甘露三降餘干孝子劉泌家梅樹樂平馬廷鸞家

池蓮生雙頭廷鸞中會元 林志 十二年信州饑 豫章書

寶祐元年夏六月江西旱 豫章書

咸淳七年春三月吉州饑夏六月賑瑞州饑民 豫章書 十年春

正月己卯朔永新有氣如虹橫貫一邑 通鑑節要 末年永新隱

士陳森翁築貞隱齋於冷泉巖掘地得劍有詩末二語云

男兒慷慨生平事時獨挑燈把劍看下書大元二字莫詳

所謂後世祖入主中夏其識兆蓋先見焉 豫章書 泰和縣南

古岡有菴菴前有羅漢樹二株縈纏糾結曲屈交加常年

一樹開花而結實一樹結實而不開花明劉子高詩云東

樹開花西樹子誰從枝葉認雌雄至今猶存 林志

元

至元二十五年秋八月萍鄉縣進嘉禾二十六年冬十二月

寧州生嘉禾二本州民張安世以進二十七年秋七月龍

興路水溢城幾沒贛吉袁瑞建撫皆水二十八年撫州饑

二十九年夏五月龍興路南昌新建進賢三縣水 豫章書

元貞元年夏五月鄱陽餘干水二年夏六月泰和州蝗 豫章書

書

大德元年夏五月龍興南康饒州水餘干山澤龍出凡四五

十舟行樹杪二年夏六月撫州崇仁縣辛陂村有星隕於

地為綠色圓石邑人張椿以狀聞 豫章書 秋七月江西水 綱目

六年夏六月饒州大饑 林志 秋七月龍興民訛言括童男女

至有殺其子者命捕為首三人誅之始息 綱目 七年夏五月

龍興南康袁州撫州等路南豐等州饑豫章書九年夏六月

龍興撫州臨川三路水十年春正月湖口縣方丙妻甘氏

一產四男夏六月龍興南康蝗豫章書大德間餘干習泰鄉

章雲西齋生竹一本三幹林志大德間得銅鐘於進賢之上

破山安志

皇慶元年夏四月龍興路新建縣兩害稼二年冬十二月德

化縣災豫章書

延祐元年秋八月龍興路水志安二年夏四月江州建昌饑三

年夏四月南豐州饑五月袁州饑四年秋七月南城產嘉

禾七年夏五月鄱陽進嘉禾一莖六穗豫章書

至治元年江州贛州霪雨二年冬十二月南康建昌大水山

崩二年秋八月袁州宜春縣隕霜害稼豫章書

泰定元年春正月信州上饒饑夏五月贛州吉安臨江饑秋

八月江州建昌南安等路屬州縣饑九月建昌旱二年春

正月瑞州饑三月江州饑夏四月南安饑五月袁州撫州

饑三年夏六月龍興路寧州高市火燔五百餘家秋七月

龍興奉新火冬十二月瑞州大水壞民田五千五百頃廬

舍八百九十所溺死者百五十人四年秋八月龍興路火

九月建昌贛州饑豫章書

致和元年春二月癸亥信州貢綠毛龜豫章書

天曆二年秋八月饒州旱豫章書

至順元年江西饑有田之家盡為餓殍林志

元統元年冬十二月德興餘干樂平地地震二年春二月瑞州

路水夏五月信州地震秋九月吉安路水南康旱豫章書江

州饑 安志

至元元年春三月龍興路饑冬十二月饒州地震二年信州瑞州等路旱江撫袁瑞饑三年瑞州臨江南昌新建饑四年春新昌州地震夏五月吉永豐大水六月信州路靈山裂五年春二月信州雨土冬十一月新昌州雨木冰十二月袁州饑 豫章書

至正三年大疫 林志 四年春正月靖安縣雨木冰五年瑞州路

饑 豫章書 六年進賢縣甘露降瑞州西澗書院生靈芝瑞草

安志 八年夏四月奉新大雨雹傷禾折木九年靖安山裂十

年夏五月甲子寧州山崩丙寅上高縣蒙山崩龍興瑞州

大水十一年進賢生瑞竹南昌新建大水 豫章書 夏大雨蛟

出山崩餘干清湖水忽黃而濁者三日 安志 冬十月信州雨

黍饒州雨黑子大如黍菽民多取而食之 綱目 十二年春正

月星隕於吉州城東北其光如火其聲如雷夏四月龍興

大疫十三年夏饒州龍興瑞州建昌吉安大旱冬袁州路

有黑氣環城 豫章書 十四年夏四月江西大饑 綱目 冬龍興雨

木冰 豫章書 十八年星隕於康郎湖中焰曲如帚二十年春

大雨雪連綿六十日二十一年秋地震屋瓦皆鳴 安志

明

洪武元年寧州大風雨出蛟山水暴溢民多溺死詔遣使賑

恤夏六月瑞州府地震二年饒州霪雨三月水深丈餘城

多傾圮 安志 三年芝生泰和縣廳樑柱二莖狀如慶雲網緼

五色熒然光潤秋縣南陳煥章家產芝三莖其色絢爛光

彩奪目 林志 五年壬子春三月安仁王溥受命督採材木至

西江志 卷一百一
建昌蛇舌巖衆見巖上有衣黃衣者歌曰龍蟠虎踞勢岩
堯赤帝重興勝六朝八百年來鍾王氣重華從此繼唐堯
其聲如鐘已忽不見溥以聞太祖曰明理者非鬼怪可惑
守正者非讖緯可遷六年癸丑冬十一月贛州民呂氏產
白牡丹於冰雪中盛開豫章書十三年夏五月瑞州大水新
昌泰和橋圯府城水三日林志三十年冬十一月瑞州虎入
城三十一年春大雨雹安志

按蛇舌巖建昌志不詳所在疑屬四川建昌衛而郭書
誤載耳

建文二年鄱陽大水豫章書

永樂元年芝草生樂平二年饒州大水三年廣信大水豫章書
四年廣信大水暴漲瀕河之民遭決沒者甚衆林志五年撫

州建昌疫至明年正月仍疫六年秋七月玉山永豐疫冬
十月上饒疫八年春三月吉永豐縣學生員黃端家竹一
本二幹十年夏袁州虎殺人僉事黃翰爲驅虎文禱於城
隍之神自四月雨至五月武寧大水漂沒民居令戶部撫
恤十一年春二月豐城德安建昌饑十三年秋七月瑞昌
縣饑十四年廣饒二府大水豫章書

洪熙元年春二月饒州府地震秋七月又大震河水震蕩屋
瓦有聲安志

宣德四年鄱陽火七年浮梁大水豫章書八年南昌饒州廣信

南康九江大水九年南昌瑞州臨江袁州撫州旱民饑安志

白雀見南昌十年大饑林志宣德間安福華嚴寺僧於月夜

見兩矮男子吟行其一云幾度人間結善緣百花叢裏開

喧天鸞皇一去無消息獨坐空塔五百年其一云梵語無多語空門即善門夜深風露冷有口不能言頃之漸沒入地循迹掘之得無舌銅鈴一銅鈸一

豫章書

正統三年夏五月芝生泰和儒學西齋如瑤瑜瓊玖精英燦

異白下大記十二年進賢瑞竹生十四年南昌大水

豫章書湖口

縣鐘山裂

安志

景泰三年冬至四年春瑞州凝雪六十餘日五年春二月廣信大雨雪餘四十日六年甘露降江西副使韓陽私第

豫章書

天順元年浮梁大水二年夏四月瑞州大水山崩蛟出六年夏四月紫芝數十本產浮梁戴哱家是秋子珊中鄉試明年春芝復生珊中會試歷官尚書八年夏四月袁州大水

秀江橋圮

豫章書

成化元年秋七月大水詔戶部勘實以聞二年南昌旱大庾

產嘉禾

豫章書

三年夏南昌府屬三月不雨大無禾四年寧都三江水合先是有三江合狀元來之謠明年邑人董越

果進士及第春三月豐城大風拔木壞屋

安志

是年大旱免南昌等府衛官民田并山蕩屯田秋糧子粒凡二百八十

八萬六千三百餘石

豫章書

五年冬萬載縣東郊虎出噬人七年春武寧縣雨木水

安志

樂平縣大水

豫章書

八年瑞州大雨電其大如拳屋瓦皆碎秋大水新昌縣民姚永貞家產

紫芝五本

安志

九年鄱陽火十年餘干大水

豫章書

歲甲午芝草生豐城學夏瑞州府文廟產西瓜一莖七實其年登秋榜者七人

林志

豫章書

產五色靈芝安志夏四月袁州大水林志十五年春芝生大庾

龍華山佛殿右柱太守張弼詩以紀之南昌旱豫章書十六

年湖口縣上鐘山崩十七年彭澤縣大疫十八年南康府

龍出於儒學泮池安志是年貴溪水豫章書十九年夏瑞州高

安舉人朱繼祖家塾旁產茄二本高尺餘合為一結紅紫

藥片大如掌類雞冠花林志二十年春三月南瑞大雨雹夏

四月撫州大水傷稼二十一年臨江霪雨水漲四郊一壑

豫章書是年芝生奉新縣民家夏五月南昌大水漂沒民廬

人畜甚多浸城門五日方退林志是月吉安亦大水高十餘

丈漂沒田廬溺死者無算二十二年大庾大疫豫章書夏大

水決天井壩為河河在四十二都先是民家天井中出二

角似竹筍乃龍角也未幾水漲決為河二十餘里今名天

井壩白下大記

弘治元年春正月奉新縣雨水水安志秋七月廬山芝草生有

一本十餘莖者二年秋九月南昌鐵柱宮火豫章書三年泰

和天馬山鳴白下大記四年夏六月九江雨雹六年春三月貴

溪大雨雹形如馬首重十餘斤屋樹鳥獸俱傷冬十二月

南昌撫州大雨雪是年廬山白鹿洞芝草盛生安志餘干火

豫章書七年冬十一月地震有聲安志是年袁州嚴寒林木枯

摧人多凍死八年夏瑞州旱高安楓樹結李實桃李皆花

白魚躍入府城浮橋上林志冬十月南贛大疫十二月大震

雷禮部以聞豫章書十年分宜嚴嵩書塾傍產竹一莖七節

上分二岐林志十一年袁州臨江旱十二年春正月浮梁火

文廟譙樓皆燬安志是年餘干火十三年大庾大水十四年

甘露降分宜縣解桐樹時知縣吳蘭芝生上高縣廳三本
知縣童旭覆以亭豫章書夏袁州萍實門外池蓮一枝雙葩

林志冬十月廣信雨麥十五年九江虎晝入市三月間吞噬
百餘民命知府募獵士擒之隨作文祭告城隍以杜民害

豫章書二月十五午時廣昌地震如雷林志夏四月大庾大水
是年南昌旱豫章書十六年元日昧爽廣信有星流於東北

秋八月樂平地地震安志冬十一月二十五日夜四更廣昌縣
有星大如輪自天中流抵東方天如開裂紅光燭地十二

月朔舊南門火是年袁州大旱十七年袁州袁山門外池
蓮一莖雙葩高安進士陳祥家生芝十餘本豫章書夏六月

廬山鳴經三日雷電大雨平地水湧丈餘蛟四出石崩數
十處冬高安縣火安志十二月袁州分宜火燔民舍五千餘

家儒學及安仁驛皆燬林志十八年春分宜袁嶺白氣如虹

上騰三日豫章書

正德元年武寧縣火城內民居幾盡夏瑞州旱秋七月大水

袁州山崩九月餘干地震安志二年夏袁州大仰門外池蓮

三本同蒂異萼秋七月吉安雨血著衣皆赤三年龍南雨

電如拳黑風捲屋牛馬多擊死黑眚自廣昌縣庫出至縣

廳入於獄有聲如裂屋樂平旱廣信自四月不雨至於十

月金谿雨黑子如豆明年臨川寇亂豫章書秋七月東鄉餘

干雨黑黍瑞州竹生花結實如米安志八月饒州後港蘿蔔

菜葉如劍如旗油菜結四實如鳥狀豫章書冬十月廣永豐

水溢有聲如潮林志四年廣信雨黑子如梧實袁州竹生花

結米饑民採之食樂平浮梁旱夏五月南昌大雨電吉州

廣信自四月至冬不雨六月雷火焚廣昌縣儀門雨雹交
作南昌大水豫章書高安縣雨黑穀袁州臨江旱安志冬十二

月廣昌縣復焚五年袁州樂平浮梁早上饒雨雹殺稼豫章書
是年奉新靖安大饑春三月樂平來一鳥九頭瑞州府

城火安志夏五月南昌大饑民起為盜六月間有星大如盃

光曜有芒日晡見於廣昌縣西隅六年正月朔東鄉進賢

地震豫章書十一日戌時南豐地震林志夏廣信雨黑麥豫章書

五月吉安府雨血南昌見日有紅白暈中浮黑氣有頃始

散安志六月臨江旱是月四日夜有火星交流復有火毬大

如車輪尾長數丈光焰灼天墮府城東北角夜分又有星

大如斗紅光燭城從西流至東南其聲隱隱如雷鳴秋七

月日晡有星如月流光燭地自廣昌縣南墜於西北豫章書

袁州監生韓繼善家石榴一蒂六實林志七年廣信雨黑子

人試種之出葉如戈戟三月餘干仙居寨夜大雷電以西

北風有火箭墮旗竿上如燈籠光照四野戍卒因撼動其

旗火直飛上竿首卒因發銃衝之其火四散闔寨鎗首皆

有光如星須臾滅冬大庚火豫章書八年省城內外火災布

政司治及民居寺觀萬餘家林志南昌府旱夏六月豐城縣

西南隕星如斗火作累日燬官民廬舍死者三十餘人秋

七月又隕星如盆安志九月袁州府城火冬十月臨江府城

火南昌豐城火燬公署及民舍萬餘家十一月廣信溪沼

冰花宛如樹形九江湖口水可通人行是年饒州苦寒草

木皆死浮梁雨雹小者如卵大者如瓜壞民居田稼牛馬

多死傷豫章書九年廬陵周仕家產芝數本一本六七幹一

本類人掌林秋七月瑞州大水山崩漂沒廬舍稻未刈者

生秧八月朔南昌廣信晝晦星見豫章高安縣民胡嵩家

產芝二本冬桃李花成實十年布政司治火寧州雨木冰

安志十一年春三月寧都通天村有合抱枯樹偃仆已久忽

風雨大作隱隱有聲頓起如故秋七月贛州府城地震黑

風四塞下黑子如竹實十二年春南昌府象牙潭山裂三

月餘干地震豫章甘露降南昌府學宮夏四月豐城地震

六月南昌有火自空而隕光焰長丈餘寧州東北方白氣

如虹飛墮有聲秋八月南昌火燬民居三百餘家冬十月

浮梁虎入城十三年夏六月有星自東南飛來其光燭天

有聲浮梁縣民余丘家產一牛二面三日三鼻十四年春

九江地震黑氣彌月始散安夏南昌大旱自六月不雨至

八月十五年春吉水南山悟空寺生竹一本五幹大庾縣

火夏四月廣信大風雨雹殺飛走拔大木壞廬舍五月又

大水豫章臨江府大水壞民田廬林夏五月暴風豐城有

三龍見於楓樹橋安六月丁丑廣昌雨雪豫章秋九月九

江暴風龍開河小港女兒港壞舟數百溺死商人無算安

十六年玉山山溪暴漲勢若滔天漂蕩民居淹沒田土至

有舉家沒溺無遺者四月臨江疾風驟雨發木折屋平地

水高丈餘蕩塞田畝林六月玉山分宜鄱陽水豫章

嘉靖元年饒州水豫章春二月崇仁劉最家正廳棟柱生靈

芝四月再生七月復生乃兄弟連登之兆林夏四月萬載

學宮雙虹見自南竟北五日次年再見五月各府大水饑

安廣信霪雨豫章六月大風拔木九月建昌地震有聲安

二年鄱陽大饑餘干大疫林夏四月玉山產麥一莖兩歧

者三十餘本豫章書冬十二月除夕饒州風雪大作平地須

臾尺餘飄入民居燈燭皆滅行李凍死相枕籍至元旦下

午方止林四年南昌府屬饑高安縣學產竝頭蓮五年春

正月九江府赤氣見是年十三府大旱夏五月鄱陽德化

多虎六年瑞州臨江水安志七年正月元日甘露降贛州長

泰巡撫汪鉉以聞豫章書八年饒州廣信水十一年夏建昌

蝗冬十二月南昌九江雷十二年夏四月十三府大水秋

七月吉安府西北星隕如雨十三年春正月夜萬載火光

燭天數刻乃滅閏二月南昌進賢五色雲見瑞州府地震

十四年臨江府大旱次年又旱安志秋七月吉安水豫章書十

六年春正月豐城雨木冰十八年夏六月大水安志十九年

春三月大水豫章書夏四月瑞州民饑安志秋八月浮梁大水

豫章書二十年甘露降於豐城之蜜嶺安志二十一年吉州大

旱豫章書二十二年春正月朔南昌五色雲見吉安大饑袁

州城火延燒宣化樓二十三年正月袁州又火焚秀江樓

十三府旱大饑安志秋九月餘干大風拔木饒州府志二十四年

春臨江府大水無麥安志吉州大饑大疫贛州南安亦大疫

夏四月泰和土赤飯亦赤新城大水浸城堞漂官民房屋

千餘所田地二千餘畝男婦溺死者二千餘人豫章書二十

五年秋七月瑞金學泮池產蟾蜍二色白如玉二十九年

春瑞州雨雹傷稼四鄉稻秧俱盡夏五月五老峰蛟出數

百三十年破山來一彪似虎而大毛體尖喙二日而噬十

七人三十一年南昌旱民饑安志饒州四月不雨至九月饒州

西江志 卷一百七
府志秋八月乙丑貢院火豫章書三十七年饒州獲白兔府志三

十九年泰和天馬山崩水湧出螺數石大者如拳未幾寇至居民被禍獨慘白下大記春二月雨水冰撫州雨雹如石四

十年春三月大雨雪夏五月撫州見日光相盪安志饒州獲白鴈府志四十一年夏四月至六月南昌數府大水四十二

年春二月建昌大疫安志饒州有牛腹大異常忽雷電繞其身產犢如駒鱗角俱具後莫知所之府志四十三年南昌府屬水次年饑安志

隆慶二年南昌撫州旱民饑安志夏四月芝草生泰和郭奇士巷口園中梅柳茄瓜俱一蒂雙實三年孫子章應恩貢四

年中順天鄉試五年成進士豫章書五年冬十月夜半天鼓鳴六年德化彭澤雨雹大水安志

萬曆元年秋七月贛州金魚坊井中醴泉出其氣清芬味如薄酒三日乃竭三年南昌地震旱五年奉新雨黑穀秋九月萬載縣有巨石自天而墮冬十月南安贛州桃李華大

雷雨雹六年寧州雨黑穀七年進賢縣崇禮鄉生嘉禾一莖五穗秋崇仁縣火延燒學宮三日始息十年瑞州水安志

十一年南安贛州吉安大水南安大平橋崩溺死者以千計豫章書十二年彭澤塌毛洲出火焚烈有聲以物投之即

燃十四年春二月瑞州大雷雨三黃嶺迸裂進賢仙鶴峰甘露降安志建昌有巨蛇一角六足如雞距不噬人蛇六足

者名肥蠶見則千里內大旱後十六七年果大旱明紀十六年南昌府雨豆或黑或斑味如銀杏安志芝生南昌劉曰寧

家五本曰寧是年中式第五名明年生三本曰寧會試三

名又生二本曰寧館選第二

豫章書

撫州民饑秋七月武寧

縣雨雪九江府旱十七年春撫州建昌袁州臨江瑞州五

月不雨大饑秋七月大疫萍鄉五虎入城瑞州荷山白鹿

見十九年星子縣文昌閣來一鳥似鸞

安志

二十四年水二

十五年夏四月泰和疾風拔樹壞屋秋八月各郡池水湧

數尺高二十六年大水

豫章書

二十九年贛州城黑眚見形

似狸犬夜間潛入入室燈燭皆滅邪氣觸人春二月建昌

學宮桂開花結子三十二年冬十月九日南昌地震南康

獲白鹿二三十三年春正月南昌府火延及布政司譙樓

并南昌縣治民居千有餘家夏五月雷火焚德勝門城樓

安志冬十二月龍見豐城田中身長四十餘丈頭似麟七日

後飛翔挾風雨而去

豫章書

三十六年南昌府水大饑四十

年瑞州大雨雹形似麒麟重一斤許四十一年秋八月貴

溪地震冬十二月寧都地震有聲四十二年春廬山蛟出

水湧猛虎入天池寺傷僧人數衆四十三年九江羣鼠渡

江而南食禾傷稼

安志

乙卯夏六月安福王某自外歸有雲

如匹練隨之入屋化為白龍尾指天而首向下睛鬣角爪

皆具王驚呼家人環拜鄰舍喧傳聚看三四食頃滅

徐世溥雨

禪新四十四年吉安大水民饑夏五月南安贛州淫雨蛟

蜃竝出水湧丈餘四十六年夏九江星隕有聲秋九月東

南白氣見至初更即出兩旬始滅四十七年德化甘泉鄉

木連理生

安志

天啓元年辛酉春雨木冰

兩禪新

二年秋九月太平宮蛟出屋

毀橋圮三年吉安府旱饑興安縣產紫芝夏五月瑞昌華

嶺山崩塞水口安志四年甲子夏大水贛州府志六年九江民邵

本進妻趙氏一產三男高安虎四出能上舟登樓開門破

壁殺數十人安志六年贛州秋疫贛州府志

崇禎元年秋九月自重陽後酷熱下旬尤甚廿九之午暘不

可言是夜無風自寒明日魚浮蔽江盡凍僵者兩禪新漚二年

秋七月饒州府城火日數十發知府張有譽開水巷及西

門以壓之冬大饑安志四年辛未六月廿一日東湖水鬪若

有兩物在下推起中作噴湍兩禪新漚秋七月十八日南昌及

各府地震九月十六日天鼓鳴冬十月十六日又地震五

年夏六月二日袁州雨黑穀人爭拾之以食七年春三月

地震夏饒州大水害稼八年春三月上饒雨雹大如雞卵

夏五月暴雨鍾靈橋圯安志高安民李官奸惡無行年六十

以壽終人以為無天道及葬忽聞棺中勃蹕聲其子以為

父復生啓視軀手足皆化為牛但頭如故子醜之亟釘祕

焉此崇禎中事也盱江諸大家以承寧日久於莊田租粒

之入俱改用大斛有富民程某亦將改造其子毓文不可

曰使吾家長有此小斛之入足矣父已之夜夢神告白旦

日將盡焚諸家廩獨免子明日亭午諸廩之在竺田及嚴

湖塔者所在皆火次第焚燬獨毓文家廩火及而熄亦崇

禎中事

徐芳懸榻集

九年南昌及各府大饑米穀騰貴鄉城爭

相搶奪巡撫解學龍禁之弗得後以數人正法方止十年

春雨木冰饒州有飛虎自西北來止於鄱陽之義倉其狀

虎頭鳥翼夏五月大水十一年冬餘干冕山夜有光如火

次年復見安志冬十二月十九日大雪雷是歲有妖名馬狸

精久之始滅雩都儒學東齋榴樹下生芝一本十二朶如
 紫雲寶蓋府志十四年春正月大雨雪凝冰樹木凍折四
 山震響夏大水民饑志安春二月興安大雨雹廣信府志秋七月
 十五夜信豐地震冬十一月二十四日復震十五年郡城
 火府志十六年春德興雨黑黍夏五月餘干東山石崩壞
 民居志安冬十月興國雷震東方天裂數丈白光如電興國縣志
 十七年春二月袁州地震夏五月德興西河巨石自起立
 轟然有聲秋七月異鳥叢集於九江其大如鷲臨江雨黑
 沙志安是月二十六日會昌清溪山大黃沙崩裂水湧出高
 二丈漂沒民居男婦溺死無算府志冬十月初九日龍見
 隨有五彩雲擁護陷橫塘一畝濶深十餘丈廣信府志

國朝

順治二年乙酉廬山太乙觀生瑞芝九本三年丙戌夏南昌
 暨各府自五月不雨至十月大旱四年丁亥春大水斗米
 七錢民大饑志安夏四月日暮天門開於西南見五色方丈
 如畫彭澤縣志五年戊子春夏大饑斗米千錢府志夏六月天
 門開於西北有文如前開閉有聲彭澤縣志六年己丑春正月
 十一日九江晝晦如夜夏四月大水志安八年辛卯春正月
 會昌地震府志袁州旱民饑志安三月廿五日大雷電謝文
 莊族裔一屋掇去田中離舊址百餘丈而瓦壁盡完柱皆
 端正著礫兩禪新漚九年壬辰春三月地震南康有虹墮於淳
 湖東小池長可尋丈五色爛然經日始散志安十年癸巳夏
 四月四日大雷電如栲栳者甚多如杯如拳如栗者不啻
 霰集劉田之地墜一雹形如杵長一丈一尺有奇兩禪新漚十

一年甲午袁州蟲害稼安贛州城外善慶菴產靈芝高二尺贛州府志十二年乙未湖口鄉民李茂華妻謝氏一產三男安志十七年上饒縣署後堂棟間產靈芝一本廣信府志十八年辛丑各府大水安志

康熙元年壬寅祥雲見贛州府志南昌及各府旱安志五年丙午夏

四月牛產麟於南昌縣五十都三圖金臺里劉思彬集七年戊

申春三月雨雹夏六月地震有聲九年庚戌冬十一月彌

月大雨雪十年辛亥夏五月南昌數月不雨大旱安廣信

府麥秀兩岐廣信府志十一年壬子春民大饑道殣相望巡撫

董衛國勘報奉

旨蠲免本年錢糧預發倉米賑濟安志十三年甲寅興國唐村

火死者三百三十七人贛州府志十六年丁巳夏六月瑞金朱

大仁書室產芝二本瑞金縣志十七年戊午袁州產麒麟說鈴秋

寧州及各縣旱巡撫佟國禎勘報蠲賑十八年己未秋南

昌等五十九州縣旱巡撫安世鼎勘報賑之贛州大水二

十年辛酉夏新建等十四州縣水巡撫李士禎勘報蠲賑

二十一年壬戌春瑞金松竇路徑一里許甘露降四十餘

日其味如蜜夏南昌等十四縣水秋宜春等八縣旱巡撫

佟康年勘報蠲賑二十四年乙丑夏宜春萬安上饒鄱陽

樂平以旱災蠲賑贛州府志二十五年丙寅廣信七邑水廣信府志

二十六年丁卯秋寧州等十七州縣旱賑之二十七年戊

辰秋寧州等十二州縣旱巡撫宋犖勘報蠲賑二十八年

己巳秋新建等四十一州縣旱蠲賑有差三十年辛未夏

永寧出蛟水決沙塞田二百餘頃秋瑞昌水三十一年壬

申夏上饒建昌二縣水賑之三十二年癸酉夏新建等十
 四州縣旱巡撫馬如龍勘報蠲賑三十四年乙亥秋新淦
 等一十二縣旱賑之府志三十五年丙子零都學宮桂樹
 正月開花較盛於秋零都縣志三十六年丁丑秋星子安義二
 縣旱明年夏建昌水賑之府志三十八年己卯贛縣水口
 山產紫芝七莖高三尺許贛縣志四十四年乙酉夏五月瑞
 金山水陡發平地水高五丈城郭橋梁民廬官解衝倒過
 半瑞金山縣志夏新建豐城廬陵吉水四縣水巡撫郎廷極勘報
 蠲賑四十五年丙戌夏清江新淦瑞金三縣水賑之四十
 六年丁亥秋臨江府屬早勘報蠲賑四十九年庚寅夏四
 月興國官舍桑樹產芝大如盤徑二尺色黃歷辛卯壬辰
 每初夏長一臺累三臺贛州府志五十一年壬辰秋廣信府屬

大有廣信府志五十五年丙申夏寧州武寧建昌水巡撫佟國
 勳勘報蠲賑五十七年戊戌夏早巡撫白潢禱雨即應歲
 有秋五十八年己亥夏旱甚祈禱如前焚祝冊竟而雲興
 雨注數百里外悉霑足後復旱再禱即日雨大沛秋大稔
 督學王思訓作雨公亭記

西江志卷第一百七

西江志卷第一百八

祠廟

神靈肇封靡國不有翳功與德稱兩不朽德有醇疵醇者必壽功有小小大斯可久廟貌維新典禮由舊或專以享或配而侑俾几俾筵陟降左右式瞻榱桷如嚮斯受邦家之光報稱之厚是曰崇賢匪賢則否作祠廟志

南昌府

祠

澹臺祠舊在省治總持寺左祀魯武城澹臺子羽宋漕使程大昌創建額曰友教堂自為記明洪武間叅議李思聰萬曆間知府范涑先後重修堂背即澹臺墓巡撫王佐移建於府學大成殿南吉水鄒元標有記天啓末大璫魏忠賢

西江志 卷一百八
斥賣郡國書院助水衡錢此祠亦不免至曳澹臺先賢像
投於湖濱崇禎初特旨復諸祠知府彭期生奉主歸鼎革
後幾廢順治十一年巡撫蔡士英重新之郡人熊文舉有
記

豫章先賢祠在鐘鼓樓右即崇儒書院故址明萬曆間學使
沈九疇改建先後舉祀澹臺滅明徐穉羅從彥胡儼張元
禎舒芬魏良弼萬廷言萬思謙鄧以讚李材等十一人新
建大學士張位倡為會講之所額曰豫章會館

理學名賢祠在省城進賢門內祀澹臺滅明范甯韓愈范仲
淹歐陽修周敦頤程珦羅從彥朱子張栻陸九韶陸九齡
陸九淵黃幹李燔張洽黃灝蔡元思真德秀陳澔饒魯吳
澄胡儼吳與弼胡居仁王守仁蔡清羅欽順邵寶張元禎

羅倫鄒守益羅洪先歐陽德羅汝芳舒芬胡直胡敬方鄧
以讚魏良弼萬思謙李材王時槐萬廷言鄧元錫章潢鄒
元標凡四十七人

按林志進賢門內舊有先賢祠祀宋羅從彥等十二先
生後增祀歐陽德等改為二十四賢祠迨康熙二十九
年巡撫宋犖增祀澹臺子羽等二十三人始改今名

昭靈祠在武寧縣治南祀楚三閭大夫屈原唐封清烈公
五賢祠舊在省城迎恩坊祀漢梅福陳蕃徐穉晉范甯唐韋
丹宋慶曆七年知洪州張環建淳熙七年遷於府學

梅仙祠在府學傍祀漢南昌尉梅福元始中王莽顛政福棄
妻子去九江宋紹興初封吏隱真人幸元龍有記

宗賢祠在豐城櫛山之龍澤宋尚書雷宜中建祀漢徐穉宋

胡安國元范登有祠記一稱龍澤書院

徐孺子祠一在東湖南孺子宅故址宋熙寧中知洪州曾鞏即其地結茅圖像自為記南渡後廢乾道中沈帥樞重建元至正末燬於兵一在東湖之東南昌學前之左又名高士亭後燬明洪武七年知府許方重建永樂間巡按御史張庸拓之崇禎初推官李嗣宗以子徐胤門人張遐配享後經兵燬

國朝康熙庚午巡撫宋犖率僚屬重新之自為碑記

按水經云南昌東湖之上有孺子宅高橋之南有孺子亭先生之祠像存焉唐宣宗時塘東有三亭曰孺子曰涵虛曰碧波後燬洪容齋曰碧波亭後改為孺子祠明洪武甲寅都指揮宋晟以祠當孔道遷於環波亭之故

址而環波又即涵虛之廢址也其間興廢變遷難以悉數通志新舊祠所由分歟

陳司徒祠在進賢門外徐孺子墓南祀漢豫章太守陳蕃明弘治間都御史林俊檄知縣杜澗重建正德間學使李夢陽復修葺之祠南二十里有高風廟亦祀司徒

三義祠在鐘鼓樓後舊為藥王廟以殘毀改祀漢昭烈及關羽張飛

二聖祠在進賢門內祀關壯繆及馬祖前御史許世昌創建康熙五十九年布政司許兆麟捐貲重修張尚瑗有記

劉侍中祠在寧州崇鄉祀漢侍中劉陵

南昌耆舊記

許旌陽祠在廣潤門內故子城之南一名鐵柱宮明正統元年按察使石璞奏請許遜韋丹俱有功德於西江宜列祀

典詔從之許仍祀鐵柱宮韋祠鐵柱宮內之旁祭酒胡儼
撰許韋二公功德碑成化五年知府王詔移韋祠於三橋
東巷

方岡祠在新建西山祀晉黃仁覽相傳季弟好獵仁覽折草
化鹿止其妄心後弟亦僊去故並祀焉

靈槎祠在豐城廣豐鄉晉時得大木於白石墓民伐以獻次
獨楮津一夕木逆流至江人異而祠之號汎槎神太守范
甯奏聞勅封宋紹興中賜今額

忠節名賢祠在省城洪恩橋舊爲同仁祠祀孫燧許達王守
仁胡世寧伍文定唐龍六人康熙二十九年巡撫宋犖改
祀陶潛狄仁傑張九齡顏真卿李綱張叔夜楊邦乂胡銓
洪皓歐陽珣岳飛文天祥謝枋得江萬里黃子澄練子寧

胡閏周德顏瓌王省王艮曾鳳韶鄒瑾魏冕李時勉劉球
于謙孫燧許達胡世寧王守仁伍文定唐龍周憲黃宏馬
思聰宋以方熊浹韓雍林俊蔡懋德李邦華吳甘來凡四
十三人

武陽郡公祠二一在章江門外祀唐觀察使韋丹大中三年
詔尚書司勳員外郎杜牧撰功德碑銘丹子宙復爲觀察
使置田以供香火一在三橋東巷明成化五年知府王詔
由鐵柱宮移建於此萬曆三十五年布政陸長庚重修以
子宙配享自爲記後燬於兵

柳貞公祠在武寧鄧家埠之柳山祀唐司馬柳渾宋丞相章
鑑有記後廢

按唐書柳渾棄衢州司馬隱洪州山中築室讀書此其

處耶宋里人陳功顯以先賢過化之地立祠祀焉祠傍有貞公井因公之謚柳山之名則因公之姓也

段中丞祠在武寧縣祀唐御史中丞段逸

三徐祠在新建洪崖鄉祀南唐衛尉徐延休及其子散騎常侍鉉內史舍人錯因徐氏先隴所在而祀之

正書祠在進賢門內即正學書院明嘉靖間學使王宗沐創建祀周濂溪程明道程伊川三先生學使沈九疇重修榜其門曰正書祠今改貢院

濂溪祠二一在南昌府學右宋隆興間建朱子有記一在寧

州治東旌陽山麓明弘治間學使邵寶即講堂遺址肖像祀焉

三先生祠在南昌祀張南軒呂東萊陸象山宋知隆興府吳

子良建自為記

曲江祠在豐城磯山之巔舊稱三賢祠祀朱子李義山姚勉

李夢陽有記
按崆峒祠記以朱子往還湖南時與李後湖姚雪山遊此後人因奉粟主今以韋武陽易後湖者訛也

三李祠在新建睡仙觀側祀宋殿中丞李寅及其子侍郎李

虛已洗馬李虛舟元末燬

蘇公祠在東湖百花洲上祀宋隱士蘇雲卿明正統七年御史張謙建胡儼記今祠廢存亭

黃文節祠三祀宋黃庭堅一在分寧學右宋時建一在雙井明巡撫林俊重建置祭田自為記一在馬洲元尹吳觀建

文及翁有記

大忠祠在省城四道後街祀宋岳飛文天祥謝枋得
文丞相祠在豐城縣北祀宋信國公文天祥

江丞相祠在新建儒學左祀宋丞相江萬里久廢
樊修職祠在進賢崇禮鄉宋高宗南渡王虎魏全為亂襲豫

章邑人樊昌時昌盛昌諤舉義兵與虎拒戰數日皆死虎
亦敗建炎六年贈昌時昌諤為修職郎昌盛為保義郎得

祠祀焉

密都統祠在進賢欽風鄉又名忠烈祠祀宋都統密佑

張尚書祠在奉新縣懷種堂右宋慶元中張均帥江西從縣
令張瑄之請奏蠲營田新稅民賴以全活者萬計感念繪

像與劉琪同祀楊萬里記 楊誠齋集

劉樞密祠在奉新寶雲寺後祀宋隆興鎮守劉琪楊萬里名

其堂曰懷種并為記同上

高沈二尹祠在奉新獅山之前祀宋令高南壽沈雲舉

胡氏祠在奉新儒學西祀宋光祿丞胡仲容都官胡克順尚

書胡直孺元季兵燬

趙把總祠在奉新之華豐樓元至正十二年賊掠武寧靖安

奉新等縣把總趙某領官軍敗之後中流矢而沒民為塑

像立祠

節士祠在進賢縣北山龍溪祀元末死節之士樊明仲友仲

用行徐思德陶正道傅煥章饒思舜則志熊有源陳伯通

徐弘道葉明遠劉清公沈壽凡十四人龍興路判官辛敬

奏建包希魯記

吳尹祠在寧州祀元縣尹吳觀

大忠祠在府治西北祀元末闔門死難僕列篋妻妾子女十
一人

王夫人祠在武寧縣署內祀元進士盛添祥妻明邑令盛文
郁之母王卒於寧署華林寇亂現身臨陣擁護奏凱因祠
之

瀟峰朱先生祠在南昌縣明洪武間其子善建祀

貝清江集

大節祠在省城躍龍橋南明萬曆四年勅建祀建文壬午死
事諸臣黃子澄練子寧胡閏劉端王高王良王省周是修
曾鳳韶鄒瑾魏冕彭與明蔡運顏伯瑋顏有為凡十五人
萬恭有碑記

旌忠祠在省城進賢門內明嘉靖三年勅建祀巡撫都御史
贈禮部尚書孫燧副使贈左副都御史許達尋以副使贈

按察使周憲配復增祀贈太常少卿前參議黃宏贈光祿
少卿前主事馬思聰後許達加贈禮部尚書以贈光祿卿
宋以方祔享大學士謝遷記

忠節祠在奉新縣東祀明副使周憲吳一貫以舍人周幹及
陣亡義士何冲霄等配

仁政祠在南昌府學右青雲樓舊址祀明巡撫都御史劉光
濟有萬恭吳桂芳碑記

懷忠祠在省城惠民門內祀明孫忠烈燧許忠節達其地即
二公赴義之所

王文成祠在大忠祠右祀明新建伯王守仁嘉靖間提學副
使徐階建魏良弼吳桂芳俱有記

謝忠愛祠在新建十二都祀明邑人謝得仁

懷功祠在靖安城隍廟右祀明按察副使吳一貫南昌知府李承勲以平馬腦山賊功祠之

劉令祠在豐城縣西北明正德間以普庵堂建祀知縣劉璉懷仁祠在省城章江門外石亭寺左祀明巡撫都御史周如斗里人萬恭記

褒德祠在南昌南浦驛南香巷祀明巡撫都御史夏良心萬曆二十九年建奏請賜額

督學名臣祠在南昌校士公署後堂明萬曆間署提學叅政姜士昌舉祀江西學使者黃仲昭蘇葵邵寶蔡清李夢陽徐一鳴徐階江以東王宗沐朱廷益後三十七年學使蔡增譽復舉祀王珣陳璘李齡夏寅潘子秀邵銳張岳凡十七人

按舊志所列名宦皆明萬曆四十年以前之學使其中不無濫附而後之黃汝亨魏公說蔡懋德侯峒曾皆文章節義並著者應增入祀典

崆峒祠在南昌錢局前祀明學使李夢陽已廢

陸中丞祠在德勝門外水晶坊祀明巡撫都御史陸萬垓大學士張位記

陸方伯祠在省城章江門內思賢坊明萬曆間紳士商民建祀左布政陸長庚祠屋三進

國朝康熙癸丑曾孫閣學陸棻重修後爲管祠人盜賣庚子夏四世孫奎勲清復之重建中堂門樓編修查慎行有記

文德祠在南昌東湖之上祀明章斗津先生潢

鄧文潔祠在東湖之南祀明吏部侍郎鄧以讚

舒文節祠在進賢城內祀明修撰舒芬知縣周光祖建大學士張位有記

劉徐二公祠在豐城華嚴寺側祀明巡撫劉光濟及知縣徐子器以丈糧清稅民德而祀之

韓令祠在豐城西門外祀明令韓弼

二令祠在靖安東門內一祀明知縣葉重光有萬年樂利之碑一祀應汝稼以立水次倉便民漕運故合祀焉

遺愛祠舊在寧州治西祀明縣丞黎斌今移舊南門外

廟

府城隍廟舊在南昌子城東明洪武三年知府趙文奎移建府治東南正統間知府胡本惠修張居傑記景泰間知府蘇仕宣修韓楊記萬曆間知府范涑重修自爲記

各縣城隍廟南昌新建附郭 豐城在縣西 進賢在縣南

明洪武間知縣梁璧建 奉新在縣北 靖安在縣東

武寧在縣東 寧州在儒學東

按江右城隍相傳爲漢灌嬰高帝六年封潁陰侯南唐時封輔德王宋淳祐八年封忠惠王明洪武三年令天下城隍廟止稱某府州縣城隍之神悉革封號

旗纛廟在南昌都司內每歲以霜降日致祭

忠壯廟在進賢縣北祀吳伍員相傳員奔吳過此又名忠武廟

江東廟在省城廣潤門內祀秦人石固漢灌嬰擊南粵神告以克捷之期故祠之

長沙王八角廟在南昌十七都滁槎祀番君吳芮及梅鎬

章江廟在省城德勝門外祀漢郡人章交昔灌嬰略地至此
交首獻地築城於是九江皆定後人德而祀之宋大觀二
年以應禱賜額霈澤王廟名勝志

王中尉廟在新建昌邑山祀漢中尉王吉

龍沙廟在新建縣治北即賈萌廟今廢

孚澤廟在靖安縣北祀漢鄧禹耿弇二人一曰朝天忠顯王
一曰護國忠烈王

諶侯廟在南昌城南祀漢奉車都尉荊州長史諶重

劉城廟在南昌歸德鄉祀漢揚州刺史劉繇宋乾道七年以
救溺功賜額仁濟

漢吳二帝廟在奉新縣東南祀漢昭烈帝備吳大帝權
關王廟在南昌攬秀樓東巡撫蔡士英建黎元寬有記

長墓廟在南昌城東二十里祀漢劉岱

吳王廟在新建昌都鄉祀漢孫策一在西山吳王嶺

順應廟在奉新縣南祀吳太史慈宋隆興元年勅賜今額乾
道三年封靈惠侯邑人李琮記

卯山五神廟在奉新北鄉祀韓當馬忠黃蓋王平凌統五人
宋咸淳二年勅封當忠勇烈武侯忠威肅武寧侯蓋英毅
武明侯平廣德武寧侯統忠惠武安侯元季燬明洪武間
里人重建

龍津廟在豐城縣登儒鄉祀晉司空張華豐城令雷煥舊名
劔池廟宋紹興中賜今額

白馬廟在南昌高士橋祀晉旌陽部將際真護法白馬忠懿
謝王有黎元寬記

温忠武廟在省城進賢門外祀晉江州刺史温嶠

何無忌廟在新建生米鎮祀晉江州刺史何無忌討盧循戰死豫章民爲立廟

罕王廟在新建遊仙鄉晉司馬儀嘗敗吳孫昭將黃皓徐淵兵於此後中飛矢而沒葬於潭源儀三子孚應慶善昭利令裨將王威等伏兵山下值淵出山取運猝乘不意破之淵皓俱投崖死晉人以山寨悉平名其地曰太平鄉與遊仙鄉接壤立廟以祀罕王父子并其將佐或云罕王昭烈曾孫劉獲也宋姚勉有記

超山廟在豐城縣世傳晉范登雲尸解於此因祀焉
葆光廟在奉新縣西祀晉劉真君兄弟四人俱爲神宋隆興二年勅賜廟額封神爲忠惠英惠壯惠烈惠侯

孚應廟在新建修仁坊相傳唐隱士崔姓自分寧遊此值城中患疫隱士以丹擲井折柳示人汲飲病者即愈井在清平坊之上街勅封佳山孚佑侯廟明萬曆間大學士張位題額曰佳山福地或云神晉人姓崔名子玉唐憲宗得竒疾諸醫不效忽見道人賣藥於都市進一粒而愈問其姓氏曰臣豫章人崔姓俄不知所往遣使覓之乃於此地得崔公祠詔封英烈侯

文孝廟在省城德勝門外祀梁昭明太子蕭統

余侯廟在奉新縣西南祀邑人梁刺史余孝頃宋王炎有記
黃司空廟在省城進賢門外祀陳都督贈司空黃法蕘明萬曆十五年知府范涑重修同知黃在裘撰記

武烈廟在南昌高士坊祀陳果仁先爲江西巡察大使有賑

荒之惠入隋拜司徒唐武德中卒豫章人立廟祀之唐封忠烈公南唐時以神兵助戰冊加武烈帝徐鉉有記

英澤廟在南昌安仁鄉祀杯山之神明祭酒胡儼有記

明山廟在南昌鍾陵鄉神姓白兄弟三人宗顏宗說宗向以孝弟著沒而為神唐光化中即故玉晨觀址建廟宋初賜額顯靈并祀邑人李忠萬叔敬于廡

風雨池廟在新建吳源山下唐開元中張九齡為洪州都督禱雨於此有應貞元中觀察使李兼禱雨復應宋淳熙壬寅夏旱帥漕遣禱有物如蠅蜓登於几未幾雨如注奏立廟

睢陽廟在新建望湖亭西南唐時建明洪武初勅封忠烈靈祠今呼令公廟

張巡許遠廟在武寧縣武樓源一名朝天廟

駕山廟在奉新法城鄉祀唐隱士鄒垣

厚郭廟在豐城正信鄉祀唐義士傅祁宋張自明記

威顯廟在豐城楊子洲即李司空廟祀唐淮南楊渥部將李承勳天祐三年從秦裴攻鍾匡時屢立戰功後敗死時年二十三葬楊子洲有英靈土人即其墓側立廟祀之南唐徐鉉為記宋紹興二年勅封今額

靈惠廟在豐城之神源祀唐黃元二子燻熿

將軍廟在武寧四十四都唐盧絳屯兵武寧築磨源陂灌田萬餘畝鄉民德之立廟

萬都官廟在南昌安仁鄉祀宋都官萬俅祭酒胡儼有記

順濟廟在新建吳城山下有龍穴深不可測宋大中祥符六

年于穴西立廟封順濟侯御製戒蛟文刻於石熙寧中封
順濟王累加號曰靈順昭應安濟

斗門廟在豐城縣南石閘之上為水口鎮

忠臣廟在南昌五桂坊之西明洪武初勅建祀後翼統軍元
帥趙德勝右副指揮使劉齊左翼元帥牛海龍樞密判官
李繼先左副元帥趙國旺統軍元帥許珪右翼元帥同知
朱潛千戶張子明臨江府同知趙天麟百戶徐明士伍張
德山夏茂成洪都知府葉琛行省都事萬思誠凡十四人
有諭祭文一道胡儼張元禎俱有記萬曆中知府范淶重修
涂七公廟在奉新大街南以涂公鑿井惠民故祀之
太陽廟在新建洪崖鄉諶紹津有記

壇壝

附

南昌府社稷壇在德勝門外明洪武間頒降禮制立壇於城
西北北向四方各二丈五尺高三丈四出陛各三級壇上
立石主長二尺五寸方一尺葬於壇南正中去壇二尺五
寸上露圓尖壇下前十二丈或九丈五尺東西南各五丈
繚以周垣四門紅飾以春秋二仲上戊由北門入祭知府
趙文奎遷建如制

州縣社稷壇南昌新建二縣附郭 豐城舊在縣東後移置
洪橋外 進賢在縣西一里 奉新舊在縣治西北後改
築縣西 靖安在縣治北半里 武寧在縣治西 寧州
在州治北

風雲雷雨山川壇在南昌進賢門外立壇于城西南坐子向
午高二尺五寸方濶二丈五尺四出陛午五級子卯酉各

三級壇下四圍牆門與社稷同以春秋二仲上巳日合祀
風雲雷雨山川仍奉城隍神共祭知府趙文奎建

州縣風雲雷雨山川壇南昌新建二縣附郭 豐城在縣治
南 進賢在縣治南 奉新在縣治南 靖安在縣治南

武寧在縣治南 寧州在州治南

厲壇在南昌德勝門外立壇於城北濶二丈五尺高一尺六
寸四出陛各三級壇下南九丈東西北各五丈繚以周垣
祭以清明日秋七月十五日冬十月一日歲三祭迎城隍
神主之知府趙文奎建

各州縣厲壇南昌新建二縣附郭 豐城在劍江之濱 進

賢在縣西二里 奉新在縣東北 靖安在縣治北 武

寧在縣治東北 寧州在州治北一里

瑞州府

祠

四神祠在上高南岸之東四神者秦趙昱漢紀信唐段秀實

宋康保裔 名勝志

梅子真祠二一在新昌縣尉山宅僊觀宋開禧間里人陳均

建幸元龍有記一在縣北天寶鄉墓側名存梅祠明天啟

間里人劉全曜建鄒維璉記

陶靖節祠在府治南碧落山宋咸淳乙丑知州文天祥建

忠烈祠在上高縣治南文昌閣下祀唐太尉段秀實

按唐書秀實為社稷死帝甚恨用不極才興元元年詔
贈太尉謚忠烈又詔致祭親銘其碑而未有廟也至太
和中子伯倫始奉詔立廟云

七賢祠在高安筠陽書院祀宋周濂溪程明道伊川張橫渠
朱子陸象山明王陽明又名景賢祠教文禎記

三賢祠在府治南祀宋余靖蘇轍楊萬里

四賢祠在高安治南祀蘇子瞻蘇子由黃山谷米元章已廢
三劉祠三一在高安縣靈山院一在淨慈寺一在新豐鄉祀

宋劉渙與子恕孫羲仲幸元龍有記

松垣集

呂寺丞祠在高安大愚山祀宋大府寺丞呂祖儉

三俊祠在高安化城院祀宋姚勉胡仲雲劉元高

文信國祠在高安鳳山明增祀陶靖節劉文成爲三先生祠

巡撫虞守愚有并祀記知府陶履中有重修記

陳令祠在新昌隆道觀左宋寶祐間建祀知縣陳登

雪坡集

雷神祠在新昌十六都宋岳飛統兵過此麾下有三將軍者

暴卒元丙子苦旱有神憑人言曰我三將軍也若建壇以
禱必獲豐收民如其言果雨遂立祠

張令祠在高安縣西五里祀元張珪

貞烈祠在高安迎恩門內明正德七年勅建祀瑞州通判姜
榮妾竇氏及本邑婦女之死節華林者天啓間知府陶履
中復修巡按御史曹谷記

節愍祠在府治後洪山寺故址祀明贈按察司周憲及其子
幹傍祀蕭亮姚一桂鄺勤諸戰死華林者正德八年知府
鄺璠建邑人況照有記後三年安義盜起高安主簿袁瑤
亦以討賊死子鳳翔殉贈官知縣春秋配享嘉靖間御史
熊相有重修記萬曆間知府陳振揚重修并記

魯守祠在高安學東祀明守魯史以請免高安虛賦民德之

立祠太僕卿朱吾弼記

旌忠祠在新昌治左明末祀吳莊介甘來

國朝順治四年奉勅重建賜祭田七十畝春秋享祀崇祀錄

桑將軍祠在新昌旌忠祠右康熙甲寅九月棚寇作亂乙卯

五月將軍提兵進勦民獲安堵合邑立祠祀之

廟

府城隍廟在府治鳳山西宋建明弘治間知府劉璣捕賊禱

廟有驗復新之周津有記內有吳將軍名翊贊附祀

各縣城隍廟高安附郭 上高在河北岸宋宣和乙巳移置

新昌在貞節坊

三閭大夫廟在高安縣東金沙臺祀楚屈原漢長沙王子拾
封建成侯後免爵徙家臺上立廟祀之

相王廟在高安蔣家湖下祀伍子胥

關帝廟在高安筠陽書院左唐建明知府吳宗禮修李潛記

陳振揚重修陳元琛記

忠濟廟在高安世濟舖唐建祀吳將軍甘寧太保吳山記

利貺廟在高安鳳山祀陶回回平蘇峻功封康樂伯咸康中

食邑苦旱乃發廩賑濟民利其景貺建祠祀之

望蔡公廟在上高縣西三十里晉謝琰與謝玄討苻堅有功
封望蔡公故廟食焉

昭明太子廟在高安儒榮坊邑人廖暹記

惠民廟在高安城南祀嘉州太守趙昱唐太宗封爲神勇將

軍開元間封赤城王至宋賜號惠民況莊有記

唐二賢廟在高安調露鄉先是幸南容建祀應智瑱寶曆丙

西江志 卷一百八
三里人並祀南容

米山廟在高安縣北祀唐尉李英武德中刺史應智瑱命伐金牛卒祀之宋靖康元年賜號孚應

祠山廟在高安城北高家巷祀祠山之神舊名李王祠蓋指李祿也

沖真廟在上高北門即沖真觀故址明洪武間改建祀唐張巡許遠宋康保裔

靈椿廟在新昌署右祀宋蔡嵩蔡岑開寶間勅封靈椿大王譚守廟在高安朝陽門外宋紹興間譚申守筠有惠政民爲

立廟

本傳

宋帝康王廟在高安景行坊明天啓間修王應遴記
英烈廟在上高魚巷祀宋康保裔

岳王廟在新昌小東門內祀宋鄂王岳飛明正德三年知縣熊紀建教諭姚世綦記

蔣將軍廟在新昌四都蔣爲宋岳飛裨將追曹成至此中流矢卒屍立田間不仆鄉人異而廟祀之

東嶽廟在高安西安門內

顯濟廟在高安西北五里祀龍王幸潭也唐允功記

按安志所載刑山聖郎筋竹飛仙石鼓等廟皆不詳始末釐正祀典當在淫祀之列削之

壇壝

附

社稷壇在府治阜城門外有姚雲重建碑記

各縣社稷壇高安附郭 上高在七都埠 新昌在治西鹽

嶺下

風雲雷雨山川壇在高明門外

各縣風雲雷雨山川壇高安附郭 上高在河南岸 新昌

在縣

厲壇在廣教坊

各縣厲壇高安附郭 上高在河北岸明洪武主簿李銘建

新昌在北門外

袁州府

祠

三賢祠在府廳左洪武間推官陳谷建祀臯陶張釋之于定

國知府李順孫記後增祀司法叅軍徐有功

宜春侯祠在宜春縣宜春臺下祀長沙定王子劉成也成封

宜春侯立五臺其最勝者宜春臺桃李萬計及薨葬臺下

宋咸平嘉祐間立祠臺側祀之今府治東南復有王子廟

袁高士祠在宜春學右明學使錢檟檄府縣立祠祀漢林志作晉

袁京自為記侯世屏有崇祀文

陳重祠在分宜北陳里重仕漢後隱居雞足山卒而祠之

袁天罡祠在宜春之譙樓明萬曆間同知李瀚於樓修祭又

補鑄天罡原造銅璿璣於觀天臺自為記

韓文公祠舊在府學西宋州守祖無擇建祀昌黎以李翱皇

甫提盧肇鄭谷配自為記後守鄭自誠重建黃幹記明正

統間巡撫韓雍知府姚文遷於宜春臺今址錢習禮記嘉

靖間知府劉廷誥改為昌黎書院

國朝康熙四十二年知縣江為龍重建仍為文公祠并記

按昌黎刺袁後袁人士如黃頌盧肇易重皆以文名博

西漢志 卷一百八
魏科非韓公之教育能致此哉當是時感慶雲見民間
生子多名韓以志公惠亦猶潮之有韓山韓木也然則
公之精靈雖千載其可泯耶

李衛公祠在宜春化成巖側祀唐李德裕太和中德裕貶袁
州刺史宋紹興中尚書汪應辰判是州爲之立祠

盧肇祠在宜春縣盧洲明萬曆戊午知府黃鳴喬建

鄭都官祠在宜春城北七里祀唐鄭谷

二賢祠在萬載學東宋紹興間建祀韓昌黎周茂叔西山真
德秀有記

報功祠在府治西七里祀唐刺史李將順

邑令祠在分宜治南大清里元至正間歐陽玄率族子所性
建祀祖歐陽殊南唐宜春令也後以玄配

三先生祠舊在府學之東祀濂溪及二程子有朱子記明正
統間都御史韓雍檄遷宜春臺下學士錢習禮有重建記
正德七年知府姚汀復移建萍實門外增祀朱子張栻名
曰五賢祠

周濂溪祠在萍鄉蘆溪鎮昔周子謫鎮監稅名士多從之遊
後人遂立祠於鎮之橋東明萬曆間知府鄭惇典同知陶
之肖遷建橋西規制弘敞巡撫劉堯誨記

五賢祠在萍鄉縣祀宋儒程顥程頤張栻朱子及邑人胡安
之已廢

祖龍圖祠在府學左祀宋龍圖學士祖無擇已廢

王待制祠在府治宜春臺下祀宋守王古萍鄉簿趙鳴鐸記
後守辛炳復移祀於仰山自爲記

忠烈祠在府城東一里祀宋鄂王岳飛及其將王貴以戡定
湖南江西之功僉事余珊建明崇禎庚辰邑人袁業泗重
修增祀左武大夫張憲及王子岳雲後軍義勇施全

鄭令祠在萍鄉蘆溪鎮祀宋令鄭強明廉使莊國楨記

黃太常祠在分宜治西明正德中知府羅輅知縣嚴鳳訪太

常卿黃子澄故第建祠副使邵銳記萬曆間知府鄭惇典

重修額曰表忠知縣周應治記

徐中丞祠在宜春東門外祀巡撫都御史徐枋前嘉靖間任

宜春令有善政後撫江西又疏鬻沒官田產以免賠補軍

需之苦民建祠祀焉新喻張春記

廟

府城隍廟舊在府治西北隅明洪武初知府朱守仁遷宜陽

門內

各縣城隍廟宜春附郭 分宜在治西四十步 萍鄉在招

賢坊 萬載在治東北明洪武初縣丞馮原禮即元紅巾

賊劉仁故居改建

三皇廟在宜春臺畔元至元中建祀伏羲神農黃帝虞集記

已廢 道園學古錄

楚昭王廟在萍鄉安樂鄉楚山之下相傳楚昭王出奔於此

後人立廟山頂山勢挺拔無水供爨祈禱者持斗水以自

給忽一夕風雨廟徙山下宋彭襄有記

韓泚廟在萍鄉靖教里相傳泚亦從昭王渡江來奔沒祀於

此 名勝志

闔城君廟在宜春東昌山渡相傳秦時有闔城人溫姥者產

龍伯有靈異人稱曰龍母唐太和中盧萼嘗夢龍伯謂曰君將爲江西令其致我焉許之後果出宰宜春乃爲之立廟命姪盧肇記又分宜有孝通廟即閱城君也

漢壽亭侯廟一在府治宜春臺下元萬戶高伯顏立一在萍鄉蘇家山明知縣陸世勣建

聖岡廟在萍鄉縣東名教里即甘卓廟也卓死王敦之難居民何彬等立廟祀之宋進士袁及記明萬曆中命有司塑像致祭知縣陸世勣重修有記

天符廟在萍鄉縣南即高山廟山頂有井晉太和間多疫乞水於井即愈邑人蕭居齋立廟祀之

東嶽廟舊在萍鄉西門外晉永和二年居民李泉建明萬曆間知縣陸世勣遷迎鳳嶺下

冊岡廟在萍鄉崇賢里晉末寇亂潘徽羅敷傅康皆本里人結爲兄弟率衆禦寇民賴以安歿立廟祀南唐始封將軍之號一曰明威一曰昭應一曰福順徐鉉爲書扁宋建炎間大旱州守祖無擇嘗禱之大雨立至至今靈應

蘇將軍廟在萍鄉縣東二里有唐歐陽率更碑其畧云將軍本雍州京兆郡望族蘇秦後也以石勒之亂徙居常州晉陵縣晉泰和間見神於邑人許氏家遂爲之立廟

名勝志

仰山古廟在府治南六十里仰山獺徑潭之側相傳昔有邑人徐璠者舟行至大孤山有二蕭生云居宜春仰山遂同載而歸至浦東告別期至石橋相訪後徐至其處見二龍乃知爲仰山神唐會昌初建祠於仰山之陽宋加王封張商英有記元符二年賜祠額爲孚惠周必大有新祠記明

萬曆間知府鄭惇典重修里人簡繼芳記又府城南堵田有仰山正廟明歐祥重修又宜春臺上有仰山行祠宋紹興間建

旣江水府廟在分宜縣東五里神李姓逸其名

壇壝

附

社稷壇在府治西門外一里

各縣社稷壇宜春附郭 分宜在治西宋建 萍鄉在邑西

萬載在赤硃岡

風雲雷雨山川壇在府治東門外

各縣風雲雷雨山川壇宜春附郭 分宜在東門外 萍鄉

在治東 萬載在月臺上

厲壇在府治北門外

各縣厲壇宜春附郭 分宜在北門外 萍鄉在治北 萬

載在治北楊桐岡

臨江府

祠

陶桓公祠在新淦縣明憲副洪萬善肖晉陶太傅侃像於祠以公會孫靖節先生配修撰羅倫記 一峯集

東平祠在府治東門外祀唐睢陽張巡

雙忠祠祀唐張巡許遠舊名嘉應侯廟在新淦南門宋紹興中遷新興寺前明弘治間叅政董威僉事王裕重新改今

額

雲騰颯馭祠在峽江玉笥山元陽峯下祀唐刺史吳世雲

朱子祠在府學後宋寶祐中建以張洽黃幹配後廢像石碑

刻移置府學

先賢祠在新喻學左祀宋李諮劉敞劉攽蕭固楊獬李大有
蕭燧謝諤章穎嚴時亨凡十人

黃勉齋祠在新淦縣治東祀宋令黃幹知府徐問記

褒忠祠在府城朝天門外宋勅建祀知臨江軍陳元桂賜額
褒忠明正德間提學李夢陽重修以宋清江令趙孟濟配
享嘉靖七年知府錢琦增祀死事宋臨江軍鮑廉泰和歐
陽鐸及里人龔守愚俱有記

文丞相祠在府學右明巡撫都御史謝杰建明德堂祀宋丞
相文天祥自爲記復於祠旁展拓祀少卿謝廷袞即杰之
父也曾爲清江教諭故祀焉

劉天祐祠在朝天門外天祐爲元清江戍卒值紅巾寇起舉

義不克而死其子六人聞難俱死之士人爲之肖像立祠

石門祠在新喻東門祀明儒梁寅嘉靖知縣祝爾慶建邑人

張春記

練忠貞祠舊在府城東北祀建文朝御史大夫練子寧清江
知縣梁士濟改建府治東有記後知縣王心純勅明宗書
院於南門遂移祀焉名山藏云割淦之三洲隸峽二縣爭
祀錢太守若賡命二邑並祀故新淦峽江俱有祠羅洪先
記

戴守祠在清江鎮祀明知府戴德孺正德間平華林賊從王
守仁討宸濠故民爲之立祠

廟

府城隍廟在治南

各縣城隍廟清江附郭 新淦在治東 新喻在治西 峽

江在城東鳳凰山

屈原廟在清江蛟湖之濱唐通判何德齡建

孝通廟在峽江治南舊名龍母祠唐大觀間賜額孝通元揭

侯斯有記

江東廟在清江富壽岡祀秦石固元延祐初萬戶楊重明領

兵討蔡五九禱神默相兵還立廟祀之 宋濂溪集

武安王廟在新淦治東祀漢壽亭侯關羽宋紹興間知縣趙

不華以鄰境寇盜猖獗建祀以祈捍患

周瑜廟在峽江吳志云瑜嘗定豫章廬陵留鎮巴丘後人因

立廟祀之額曰忠烈已廢

聶將軍廟在清江鎮宋慶元中建祀吳丹陽太守聶友

賢惠廟在新喻縣東祀漢張衡宋淳熙十六年勅賜今額慶

元間封昭應侯

習鑿齒廟在新喻治北五十里晉桓溫辟為從事遷滎陽太

守後避地袁州家於宜陽卒葬棗木山子孫立廟祀之

昭明太子廟在清江縣治東祀梁武帝太子蕭統

令公廟在新淦治北朝天門下祀唐汾陽王郭子儀及太尉

李光弼歲久圯

國朝康熙壬子重建

英佑侯廟在新淦縣北大洋洲祀宋邑人蕭伯軒及其子叔

祥孫天任明成化間勅封英佑侯有御製祭文曾鼎記

康王廟在峽江縣西一里祀宋都護康保裔

晏公廟在清江鎮舊傳本鎮人晏戍仔元初為文錦局堂長

尸解於舟人以為神顯靈江湖明封平浪侯

東嶽廟在臨江西南五里宋嘉定中重建里人徐得之記明

宣德丙午夏新之張徹記

順濟龍王廟在清江縣朝天坊宋巡檢馬勉之建

壇壝

附

社稷壇在府城朝天門外明洪武初立

各縣社稷壇清江附郭 新淦在治北 新喻在治西 峽

江在北門外

風雲雷雨山川壇在府城南門外

各縣風雲雷雨山川壇清江附郭 新淦在南門外 新喻

在西門外 峽江在南門外

厲壇在府西門外

各縣厲壇清江附郭 新淦在北門外 新喻在治北 峽

江在北門外

吉安府

祠

舜祠在萬安縣韶口世傳虞舜南巡於此嘗奏九成之樂後

人名其水曰韶水山曰韶山宋寶祐景泰間僧了敬建買

田百餘石以奉祭祀劉辰翁記 須溪集

漢帝祠二一在萬安龍潭莫詳始末一在永寧名劉王祠俱

祀漢高祖也明嘉靖間陳文嵩重修

蜀先主行祠在永寧漿山里人有劉姓者商於成都因家焉

後子孫歸遂奉祀旱禱輒應

忠孝祠在吉水學右祀隋李孝子宋歐陽修楊邦乂楊萬里

文天祥明王省王良尹昌後增祀王禎李邦華

明侍中祠在府南城隍岡祀唐正諫大夫明崇儼

四賢祠在永新縣祀唐姚崇宋劉沆明劉定之尹臺

顏魯公祠在府治通判廳西宋咸淳四年建歐陽守道記

三賢祠在府學東初專祀顏魯公宋咸淳間知州倪普以姜

公輔余靖附焉周必大有記

忠孝義烈祠在永新治東祀唐忠臣賀泰宋左譽彭震龍張

履翁蕭燾夫元賀仲英姚正叔唐孝子張志元湯德明明

左興兒五代義士劉景洪元義士劉瑜劉琚凡十三人

鄱陽侯祠在永新城北隅祀南唐南平將軍尹濯

貞節祠在永新儒學舊址左祀南唐節婦段母吳媛元彭九

萬妻李氏左幻白妻龍氏危元貞妻李氏明江繼文妻劉

氏李宗輔妻歐陽氏李惕妻劉氏劉持妻陳氏凡八人萬

曆中知縣龔錫爵請建自爲記

六一祠三一在府治內妙墨亭舊址宋嘉泰元年州守胡元

衡建祀歐陽修有楊萬里記一在府城西街建炎元年州

守方時建侍郎郭孝友記一在永豐瀧岡文天祥有記

忠節祠在府治南宋州守李芾建祀歐陽修楊邦乂胡銓周

必大楊萬里元季兵燬明宣德中重建增祀文天祥正統

間教授趙永言奏請增祀劉球天順間知府程宗奏請增

祀李時勉弘治間知府張本奏請增祀劉子輔御史王哲

奏請增祀鍾同凡十人正德五年知府任儀重修周忱記

國朝康熙四十六年學使楊顥增祀明王良曾鳳韶鄒瑾魏

冕周是修顏瓌王省張彥方劉臺傅應禎鄒元標李邦華

李之清郭維經凡十四人康熙五十四年學道魚鸞翔又
增祀南唐陳喬宋左譽胡夢昱孫逢吉曾如驥劉子薦曾
三聘元劉鶚劉運李廉高文鼎劉元謨郭煥章蕭生解子
元陳無吝李敬顏浩明劉鐸李幹凡二十人

二程祠在廬陵縣又名六君祠以郡之從事理學者配元劉
詵記明曾同亨有重修記

泉湖山房藁

褒忠祠在廬陵治西祀宋楊忠襄邦乂元進士劉岳申爲之
記

人文紀畧

胡忠簡祠在廬陵香城山下祀宋學士胡銓有吳寬記

楊氏忠節祠在廬陵白馬廟舊址祀宋楊忠襄邦乂文節萬
里文惠長孺明文貞士奇文忠廷和副使楊必進請勅建

豫章記

黃山谷祠在泰和快閣右宋令趙師奭建謝諤記中有庭堅

自贊石刻像廖自強有重修記明弘治間燬於火知縣楊
南金奏請割慈恩寺之半大新其祠少保尹直記

四賢祠在泰和縣祀黃廷堅曹鼎陸震周詔

監丞祠在廬陵慧燈寺後祀宋秘書丞歐陽珣

忠節祠在泰和縣祀宋曾如驥明周是修王思劉魁曾翀朱
褒

曾忠愍祠在泰和東門內祀宋曾如驥明羅倫記

劉令祠在泰和學右祀宋令劉楠有羅焘記

西昌存古錄

趙令祠在泰和學右祀宋令趙師奭嘉泰間建已廢

宋丞祠在萬安泮街祀縣丞劉功甫

江古心祠在府治白鷺洲祀宋江文忠萬里有劉辰翁記

文丞相祠一在南崖之隩邑人王育仁記一在吉水澁塘揭
侯斯記一在永新大學士李賢記

文丞相忠義祠在廬陵螺山下明弘治中御史周孟中請祀
文信國及督府諸忠義趙時賞鞏信鄒瀾張汴陳龍復劉
子浚劉洙杜澣陳繼周何時傅卓尹玉繆朝宗蕭明哲林
竒曾鳳謝玘吳文炳林棟孫臬彭震龍張雲趙璠王夢應
羅開禮李梓發呂武熊桂陳萃金應蕭資徐榛陳子敬劉
伯文張唐蕭燾夫劉斗元劉欽蕭敬夫謝夢得林俞林元
甫鞠華叔顏斯立顏起巖吳希奭陳子全黃賢唐仁鍾震
蕭興張哲齋劉仕昭黃士敏等五十四人明尹直王守仁
俱有記

忠義祠在廬陵富田祀宋監簿劉子俊劉洙明王守仁記

大忠祠在安福縣明嘉靖間詔祀宋太學生王炎午

鞏信祠在廬陵八十六都信勤王戰死方石嶺下明孝子張
祥爲建祠

六忠祠在泰和縣祀宋勤王死節者蕭明哲彭呂胡文可胡
文靜劉士昭黃士敏等六人明知縣田惟冀建自爲記

四忠祠在永豐縣祀宋教授羅開禮明大理丞鄒瑾御史魏
冕鍾同

武城祠在永豐縣祀宋進士贈武城伯曾晞顏

按舊志載祀邠國公不知何據考元史文宗朝加封曾
參爲邠國宗聖公晞顏雖其苗裔不得襲稱邠國吳文
正武城書院記云晞顏爲宋進士以子德裕貴元贈武
城伯今據此改正

譚貞烈祠在永新學舊址後有八磚影亭祀宋烈婦譚趙氏明弘治中賜額貞烈知縣烏斯道記

十義祠在泰和城西明知縣田惟冀建祀元陳新曾貫康震蕭景諸思忠蕭弘量梁瑞甫曾慶道曾以文楊復亨

蕭彛翁祠在府學西祀元死節蕭生有夏霖記

四節婦祠在泰和萃和書院西祀元死節楊用霖妻蕭氏母

劉氏鄰婦陳氏鄧氏明知縣楊南金建

曾氏二忠祠舊在廬陵城南祀明曾子禎曾鳳韶今移祥符寺左

劉司業祠在泰和縣祀明劉崧

趙令祠在安福治南祀明永樂間知縣趙學成

褒功祠在泰和城東弘治十二年勅建祀楊文貞士奇嘉靖

三十二年賜褒忠祠額飭有司重修

按安志褒功誤褒忠又載文貞與王文端同祀考嘉靖

勅建勘合祭文專祀文貞一人文端另有專祠今改正

胡文穆祠在吉水縣祀明大學士胡廣

王文端祠在泰和城西祀明吏部尚書王直

解學士祠在吉水東門外祀明翰林學士解縉

周文襄祠在廬陵城北隅祀明戶部尚書周忱

劉忠愍祠在安福治北天順間建祀明贈翰林學士劉球有

鄒守益碑記

熊芝山祠在吉水大東門外祀明都御史熊槩

李忠文祠在安福縣明提學李齡建祀祭酒李時勉

大節祠在廬陵縣西街祀明監察御史劉子輔萬曆甲申知

府余之禎建

廉節祠在安福城東隅祀明邑人南雄知府劉實

賢守祠在廬陵察院東祀明知府陳本深張本萬曆甲申建
一峯祠在永豐縣祀羅文毅倫知縣吳期炤重建有記

羅文莊祠在泰和縣祀明南吏部尚書羅欽順

劉端毅祠在萬安縣祀明贈刑部尚書劉玉

鄒文莊祠在安福儒學左祀贈禮部右侍郎鄒守益

聶貞襄祠在永豐縣祀明贈少保聶豹

李莊介祠在吉水谷村祀明都御史李中

毛襄懋祠在府城南郭外祀兵部尚書毛伯溫

王陽明祠在廬陵忠節祠右

五賢祠在廬陵青原山祀王文成守仁鄒文莊守益聶貞襄

豹歐陽文莊德羅文恭洪先中有傳心堂扁額

明德祠在五賢祠旁祀明吳達可吳正志張汝霖黃承玄丁

繼嗣余之禎吳十奇汪可受祁承鄴楊惟喬張鳴鸚朱鴻

謨劉憲龍方肯堂錢啟新龔懋賢蘇鄴明時舉凡十八人

青原山志

歐陽文莊祠在泰和縣門人建祀南野先生德尹臺有記

羅文恭祠在吉水學西祀明贈光祿少卿羅洪先

劉三五祠在安福之三峯祀明御史劉陽

懷德祠在萬安祀明令桑翹虞守愚萬曆間知縣王慎德記

烈孝祠在萬安縣北祀明孝子郭靜萬曆初勅建

王塘南祠在安福城東祀明叅政王時槐即舊講學之地

劉晴川祠在泰和縣祀明工部員外劉魁

劉瀘瀟祠在安福城南門人建祀明禮部主事劉元卿

傅忠諫祠在安福城東祀明贈大理少卿傅應禎

鄒忠介祠在吉水學前明巡撫解學龍建祀左都御史鄒元

標題仰止祠額并記

劉文節祠在吉水忠介祠右祀明祭酒劉應秋

忠孝祠在吉水玄潭嶼坑明崇禎中建祀李廷諫額曰忠孝

旌忠祠在吉水縣大街祀明左都御史李邦華

國朝順治十六年賜諡忠肅并賜祠祭田畝

鄒德溥祠在安福城南

劉洞初祠在安福城南祀明贈太僕卿劉鐸

鄒瀘水祠在安福縣城東祀明御史鄒德泳

廟

府城隍廟在城西一里城隍岡宋建元蕭憲記明曾臯重修

有記

各縣城隍廟廬陵在府學西 泰和在縣西 吉水在縣南

隅黃似山記 永豐在縣西學右 安福在縣西明知縣

趙敏修劉球記 龍泉在五廂明洪武間知縣高德賢建

萬安在縣治西 永新在縣西北 永寧在治東

孝通廟在廬陵十都即龍母廟也

韓將軍廟在安福縣北祀漢韓千秋有歐陽廷端記

香城廟在廬陵城北三里祀漢召信臣已廢

漢壽亭侯廟在府治南濱江明萬曆間知府余之禎建

文孝廟在廬陵東門外祀梁昭明太子統

古城廟三一在廬陵七十一都隋大業間建祀陳武帝宋進

士汪會龍有碑記一在泰和縣西江南一在永豐縣治南
惠佑廟在廬陵神岡山祀陳曲江縣侯劉竺竺嘗守廬陵沒
而建祠宋賜額惠佑廟封嘉應侯

顯佑廟在吉水中鵠鄉神姓劉名煥長沙定王之裔隋大業
間建宋元祐間賜額孚應又封其神曰順惠侯元虞集有
碑記 道園學古錄

興泰廟在廬陵社稷壇左祀唐安福令劉像又名劉公廟

按圖經興泰廟即唐子西惠州所祀興祚泰民二王神
又按宋劉須溪所撰興泰廟碑記謂劉郎第十七非安
福令劉像未知孰是並錄於此

田刺史廟在廬陵南門外祀唐吉州刺史田陽卒於官臨終
與子訣曰吾死不忘吉州之民民感而祠之又有廟在安

福縣揭傒斯記

介剛廟在廬陵縣東南相傳唐吉州刺史蕭芮有善政結茅
於高阜講老子書自號蕭道者既解任民即庵址立祠宋
周必大上其事賜今額

雲騰廟在府城西唐吉州刺史吳世雲罷政隱玉笥山修道
成仙為立廟天寶中賜額雲儲大順中改今額

輔順廟在廬陵永和市祀唐仙匡智宋建炎三年神部陰兵
護元祐太后紹興中勅賜廟額周必大有記又泰和通仙
廟即其神也胡澹菴有記

張王廟在永豐上西坊據黃匡湖記謂即張巡也

南平王廟在廬陵東南四十里神即鍾傳仕唐為節度使封

南平王

靈濟廟在龍泉三十都唐天祐中邑有龔姓兄弟七人俱以孝友聞兄墮水諸弟救之俱溺死立廟祀之教授康端記白馬廟在廬陵小學南祀王來知神五代時人常乘白馬號曰白馬王郎宋尚書謝諤記

昭應廟在永新縣北一名臨池章王廟南唐保大間嘗顯靈於城濠上賜今額

靈澤廟在永新縣南神李唐屬籍兄弟以義烈鬪死著靈顯宋嘉定間峒寇犯邑近廟聞鐵馬聲懼而潛退

白沙靈祐廟在廬陵上流三十里祀宋高陽關都部康保裔契丹入寇保裔戰死真宗贈封加秩禱祈輒應明梁潛有重修記 泊菴文集

忠義廟在廬陵宣化鄉宋紹定己丑南安峒賊趙九萬肆掠

大鵬民蕭必顯倡義禦之戰死者三十六人州上其事詔立廟祀焉進士蕭山父記

英祐廟在府南龍須寺右祀水府蕭伯軒之神明正統初知府陳本深建今改水府廟

劉洞廟在府治西南毛公渡洞係宋開寶時人廟近有官陶十數造琉璃器器苦窳司陶者必禱焉明熊槩有記 芝山集

忠通廟在泰和西平山祀宋巡檢陳百嘉聖君廟在安福縣祀宋令孔良輔

按良輔宋安福知縣安志誤載為安成太守今改正

瀟瀧廟在吉水義倉江側瀧上有大石千仞下為蛟龍窟宅旱禱者赴焉宋王庭珪有記 瀟溪集

旌忠廟在永豐北一里祀宋邑令趙訓之嘉定元年賜額周必大記後增祀縣尉陳自仁熊彥明

忠毅廟在泰和觀音閣前祀元集賢學士達理又名達侯廟

明蕭基有祀典記

西昌存古錄

何宣差廟在泰和攬秀亭右元至元間命宣差先鋒臨吉授

以泰和縣保全生靈民甚德之立廟祀焉

同上

太保廟在廬陵西門內祀元劉秉忠

郭丞廟在泰和白下驛故址祀明驛吏郭俊嘗救水災立廟

祀之

壇壝

附

社稷壇在府治西南甘泉門外明洪武七年知府王汝霖建各縣社稷壇廬陵附郭 泰和在縣西二里明唐伯元記

吉水在縣治北 永豐在縣西一里 安福在縣南二里

龍泉在縣北二里 萬安在縣北一里 永新在縣西

三里 永寧在縣西三里

風雲雷雨山川壇在府城南三里

各縣風雲雷雨山川壇廬陵附郭 泰和在平橋一里濱江

吉水在縣南一里 永豐在縣北一里范家園 安福

在縣南二里 龍泉在縣南二里 萬安在南門教場傍

永新在治東南一里 永寧在縣東二里

厲壇在府城北二里

各縣厲壇廬陵附郭 泰和在城北二里 吉水在北郊二

里 永豐在三都 安福在縣北二里 龍泉在縣北門

外 萬安在縣治北 永新在縣北二里 永寧在縣北

西江志卷第一百八

西江志卷第一百九
祠廟二
撫州府
祠

樂巴祠在崇仁縣巴山元虞集有記 道園學古錄

相山四仙祠在崇仁治南祀梅樂鄧葉四仙吳澄記

王太保祠在臨川孝義寺左南唐時建祀晉太保王祥後祀

明同知趙瑞即故址重建自為記

忠孝祠舊在府治右祀王太保顏魯公宋淳熙中遷于學東

有御書堂額劉克莊記 劉後村集

遺愛祠在府治北祀唐令元子哲宋蘇緘孫實范應銓明時

季照李祥六人知縣葉天爵建

顏魯公祠舊在郡圃宋至和二年州守聶厚載建曾鞏有記
後圮併祀名宦 豫章記

危刺史祠在臨川縣祀唐危全諷

南豐曾氏祠元至元十一年九世孫冲建祠於金谿之南原

祀沂國公仁旺繪像中堂危素記 太樸集

王文公祠在府東鹽步嶺宋崇寧五年州守田登建祀王安

石淳熙中州守錢象祖新之陸象山記元至順初祠圮吳

草廬言於監郡塿不台重加繕治虞集記 道園學古錄

曾文定祠在臨川順化門外祀宋曾鞏元虞集記

忠勇祠在崇仁治南祀宋令贈奉國軍節度使蘇緘元祐中

賜額懷忠江濠記

三陸祠在府學西宋嘉定間建祀陸九韶九淵九齡淳祐間

州守葉夢得新之

陸象山祠在金谿城南刈鵝堆明知縣程秀民建

五賢祠在府治順化門外初祀象山草廬康齋三人湛若水

有記後增祀梭山復齋為五賢祠明萬曆中知縣劉胤昌

重脩鄒元標有記

三賢祠在臨川學左祀宋令劉彌正黃幹主簿京鏜

二賢祠在崇仁學右宋嘉定十六年建祀吳沆歐陽澈

四賢祠在崇仁縣東宋嘉泰間士民建祀吳沆吳澥吳鑑吳

曾本州通判陳宇文撰文致祭後廢明弘治間知縣葉天

爵重建於社學廢址

黃勉齋祠在臨川學西宋令李義山建祀前令黃幹

二陸祠在金谿縣宋淳熙中建祀陸九韶九淵楊簡有記淳

西江志 卷一百九
二
祐間遷槐堂書院之前增祀九齡以傅子雲楊簡配僉事
李齡有記

傅琴山祠在金谿治西宋淳祐中州守宣璧以子雲得陸氏
學命立祠包恢有記

西溪先賢祠在樂安縣西坑祀宋何時何天聲元何中何太
虛集

吳草廬祠在崇仁縣迎恩橋左明弘治間知縣葉天爵建祀
吳文正澄

虞邵菴祠在崇仁南門外明知縣葉天爵建祀元虞文靖集
忠臣祠在金谿治西祀元編修官黃暉明洪範有重修記

吳康齋祠在崇仁昭清觀故址明嘉靖三年知縣王鐸請立
祠巡撫陳弘謨奏請崇儒扁額

烈孝祠在樂安城南隅明正德間勅建祀進士詹崇妻潘氏
子詹迪俱以陷賊赴井死

吳文恪祠在崇仁寶唐書院右明崇禎元年巡撫魏照乘建
祀吳道南大學士劉一燝記

陳都御史祠在撫州城隍廟東祀明總制陳金
詹一菴祠在樂安治左祀明儒詹爾選

周令祠在東鄉行按察司左祀明令周相叅政王紹元有記
義勇祠在宜黃行布政司右祀明崇禎壬申禦寇陣亡諸人

按崇禎五年流寇自汀韶入贛吉五月陷宜黃城大肆
殺掠一時陣亡壯士凡四十餘人邑人哀而祠之羅應
曉祠序云死於刃者四死於礮者五北郊之敗惟潘張
死於戰皆不詳其名府志武節傳則有樂安五傑陳球

六張俊五陳香四唐大老羅興華等先後陣亡勇毅傳
則有胡鴻德胡鴻賓潘章俊潘光漢張汝茂張汝輝鄒
思化鄒思讓張世讓張廷約潘潤 二九 超 世傑

陽傳三羅 徐七其姓氏不能全考矣

七烈祠在東鄉縣祀明正德初死節陳忠妻周氏及娣姒王
氏女金玉等七人知府張純記

廟

府城隍廟在治北明洪武三年知府李廷桂建弘治十三年
知府胡孝置田一百五十畝以供祭祀

各縣城隍廟臨川在燮山之陽 崇仁在縣北 金谿在縣
南 宜黃在縣北 樂安在北市 東鄉在治東北

三皇廟在府東慶延坊祀伏羲神農黃帝元吳澄有記崇仁

宜黃樂安俱有廟虞集記

堯山廟在臨川西境祀堯舜禹

競渡廟在臨川江口祀楚三閭大夫屈原

江東廟在崇仁之耆原祀秦石固

鳴山廟在宜黃縣西祀晉石敬純明知縣陳墀記

靈谷王廟在臨川靈谷山祀宋內史謝靈運

芟陂廟在崇仁田羅坑祀唐刺史周法猛以建陂功祠之

張睢陽廟二一在臨川之西津明饒昌胤重修有記一在宜

黃名昭烈廟羅岱記

汾陽廟在臨川北鄉李家渡祀唐郭子儀

孝烈廟在金谿鷓鴣嶺祀唐葛祐二孝女

博陂廟在府治西南五十里祀唐南豐令游茂洪廟有吳漢

記

王太尉廟在崇仁縣祀宋丞相王旦

東嶽廟在府治子城東南元虞集有重修記

壇壝附

社稷壇在府城武安門外

各縣社稷壇臨川附郭 崇仁在縣西普安寺右元吳澄有

記 金谿在治北朝天坊 宜黃在迎恩橋 樂安在治

東 東鄉在西門外

風雲雷雨山川壇在府治南順化門外

各縣風雲雷雨山川壇臨川附郭 崇仁在縣西 金谿在

攀桂坊 宜黃在縣南 樂安在治南 東鄉在南門外

厲壇在進賢門外

各縣厲壇臨川附郭 崇仁在北門內 金谿在朝天坊

宜黃在治北 樂安在縣北 東鄉在北門外

建昌府

祠

伍子胥祠在南豐縣南白社鎮唐開元中里人甘仲振建縣

西有忠靖英烈廟亦祀子胥

石孝子祠在南城縣麻州渡祀石三郎在晉稱為孝子在後

世稱為福神名勝志

三仙祠在南豐軍山絕頂祀晉三應真君浮丘翁及其徒王

褒郭似嘗遊此山宋時建祠祀之

旌陽祠在南豐之南臺祀晉許遜

顏魯公祠在南城麻姑山祀唐刺史顏真卿宋紹興中知軍

胡舜舉建

三忠祠在南城凝雲堂故址祀唐撫州刺史顏真卿宋丞相李綱文天祥明嘉靖中知府王度建萬曆中知府鄔鳴雷重修以岳武穆祠圯製主祔焉後胡松祠圯又移主祔祀危王祠在新城福山寺祀唐撫州刺史危全諷冷真人祠在南豐縣西石仙觀左宋太平興國中建叅政陳宗禮有記

王侍郎祠在南城祀宋王羲叔陳起有記已廢

管樞密祠在南城祀宋知軍管師仁

十賢祠在南城仙都觀宋紹興間蔡延世建祀鄉先達陳彭年李觀曾鞏曾布曾肇朱京朱彥鄧潤甫王無咎呂南公十人元季兵燬明天順間知府江浩改建府學左

李泰伯祠三一在南城鳳凰山下宋寶祐二年知軍楊瑱建以曾鞏鄧聖求侑食元末燬明成化三年吏部主事左贊疏請表墓立祠知府謝士元建一在新城赤溪即泰伯讀書之所明祭酒陳鑑記一在瀘溪學左明萬曆間知縣潘元勳請建涂國鼎記

曾氏總祠在南豐崇覺寺左祀曾仁旺密致堯魯易占鞏布肇

鳳岡祠在南城縣北門祀宋李觀曾鞏明何喬新羅玘夏良勝五人

曾文定祠二一在南豐治西宋知軍楊瑱建祀曾鞏叅政陳宗禮記一在曾巖即文定讀書處明大學士李東陽有重修祠記

曾文昭祠在南豐縣西祀宋曾肇

忠節祠在南豐縣六都軍港口祀宋曾悟曾忘元州尹史文彬建

朱陸二賢祠即道一書院明嘉靖十五年知府王度塑像其中後遷其像於府學萬曆中知府王之屏改爲二賢祠國朝順治十年建紫陽書院於北專祀朱子焉

崇正祠在新城縣福山朱子嘗講學於此後人肖像祀之明羅倫正位號易今名又南豐有朱公祠明知縣向縞建

聶文定祠在南城縣西門祀宋吏部侍郎聶子述朱大器記包文肅祠在南城延禧觀墓側祀宋尚書樞密包恢有程伯宗記

呂南公祠在新城西南石城村元處士朱民表建

王侍宸祠在府城元妙觀右祀宋王文卿名勝志

傅子淵祠在南城縣雅俗鄉祀宋儒傅夢泉有包恢祠記

節婦祠在南豐東門外祀宋元來諸節婦謝必妻侯氏等二十六人邑人嚴翼捐資重修

黃孝子祠在南城縣青綏舖爲元孝子黃覺經建孝子卒無嗣浮屠入居之明弘治末知府舒昆山驅浮屠塑孝子母子像扁曰孝祠明季燬於火

國朝巡撫郎廷極檄南城知縣范長發重建邑人梅之珩記裴彥直祠在南豐東門外裴乃元知州也羅敬有記

義士祠在瀘溪一都祀元末鄧景祥主事王冀有記

何氏世德祠在廣昌縣祀明吏部尚書何文淵刑部尚書何喬新曾孫刑部侍郎何源

大忠祠在府治東隅明景泰七年建祀右副都御史鄧祭有
鄧澄碑記 德隅集

旌忠祠在南城通會門明嘉靖間巡撫胡松疏請建祀守禦
千戶李瓊李應陽父子及守備王址明末兵燬

國朝康熙癸未裔孫李柳重建

胡中丞祠在南城麻姑山祀明江西巡撫胡松

林宰祠在南豐安禪寺前合祀林潤林壽芝扁曰保障殊勲
愍忠祠在新城石峽嶺下明嘉靖間祀建撫守備王址祔祭

遂安生員鄧正及本縣同日陣亡者十四人

江守祠在廣昌城東隅祀明建昌知府江浩有何喬新記

忠烈祠在廣昌縣祀明贈光祿少卿劉大年

鄧元錫祠在新城南津街門人張櫛等建已廢

羅近溪祠在南城鳳凰山下祀明叅政羅汝芳

哀烈祠在南城朝京門內明嘉靖間建祀李華妻胡氏賜額

哀烈李喬記

節烈祠在南城五里莊祀劉三善妻胡氏明知縣范涑建

雙烈祠在新城南津街祀鄧墳妻王氏與其姑徐氏

忠烈祠在南豐治後大街祀贈大理寺丞明鍾祥知縣蕭漢

徐芳湯來賀俱有記

報功祠在廣昌縣大街

國朝順治壬辰知府高天爵有平砦寇功建祠祀之南豐湯

來賀記

廟

府城隍廟在南城儒學左明洪武十年知府謝仲仁重建何

喬新記萬曆三十七年知府鄔鳴雷重新自為記

各縣城隍廟南城附郭 南豐在縣治前 新城在縣治西

南 廣昌在縣東隅宋紹興間邑令王秀穎建 瀘溪在

縣西

孔氏家廟在新城縣西宋建炎二年孔子四十八代孫傅與

從子端友扈蹕南渡家新城明正德間建廟

國朝康熙元年襲封衍聖公興燮有重修碑記

江東王廟在廣昌縣南隅宋令趙彥博建祀石固

忠烈廟二一在府城之南隅宋紹興中建祀壯繆侯關羽一

在南豐名顯烈

三忠廟在南豐濠口祀關羽張飛張巡

鳴山廟在瀘溪城北祀石勒勅封自鳴山翊化真君

黃司空廟在府城南祀黃法氈

忠協廟在府治東祀唐張巡一在廣昌之東園名東平王廟

宋咸淳中邑令朱汝賢建明何喬新有重修記

麻姑廟在府治西南麻姑山即蔡經故宅唐開元中道士鄧

紫陽隱此山及遷化遺奏立廟宋咸平二年賜名仙都觀

曾鞏作三門記元豐六年勅賜今名 麻姑山記

朱宣王廟在南豐龍池鄉祀唐將軍朱從立

龍王廟在南豐軍山下唐開元間建

東嶽廟在南豐集賢坊唐建

福善王廟在瀘溪東門外祀唐泉州太守歐祐

軍山廟在南豐縣西祀軍山之神創于南唐昇元三年宋元

符三年曾布奏賜靈應廟額囑弟曾肇為之記 名勝志

壇壝附

社稷壇宋置在膏露門外明洪武七年遷西郊

各縣社稷壇南城附郭 南豐在黃沙坪 新城在縣西巖

岡 廣昌在縣東隅 瀘溪在鶴巢西

風雲雷雨山川壇在南城十八都廟嶺

各縣風雲雷雨山川壇南城附郭 南豐在治東南太平埭

新城在縣治南 廣昌在治南隅 瀘溪在南門外

厲壇在北郊黃家林

各縣厲壇南城附郭 南豐在熊家山 新城在狀元坊

廣昌在縣北隅 瀘溪在治西北

廣信府

祠

葛仙祠在鉛山永平鄉宋元祐七年建祀仙翁葛玄元至正

間塑像陳衡記

董真君祠在貴溪青山之陽失其名

按鄱陽李存仲祠記云真君能致風雨役鬼神唐玄宗
拜鴻臚卿封越國公沒為神宋崇寧間賜號真君

東嶽行祠在府治溪南瑯琊峰下宋紹興間勅建

張巡祠在鉛山縣南二十里

楊刺史祠在府治東祀唐信州刺史楊光翼今并入名宦祠

王有道祠在永豐西門外墓側祀唐校書郎王貞白呂珣記

五賢祠在上饒茶山舊為二賢祠祀曾文清幾呂文清本中

有韓元吉記後增祀陸鴻漸徐梅堃辛稼軒改今名

朱子祠在上饒南巖寺左明成化間知府談綱建後圯

國朝康熙壬子知府高夢說即其故址重建
四賢祠在鉛山縣南鵞湖寺傍祀朱呂二陸四先生宋守楊
汝礪建今改書院

陸象山祠在貴溪三峰山下祀宋儒陸九淵明初增祀九韶
九齡爲三賢祠李奎有記成化甲辰詔命重建見大政記
靈順行祠在玉山之溪南其神爲周雄南宋人理宗時著靈
異封護國忠烈周宣靈侯祠址尚存

旌忠愍節祠在玉山順城鄉祀宋張忠文叔夜鄭威愍驤信
守王自中奏建朱子記

愍節祠在永豐治西祀宋張文忠叔夜

辛稼軒祠在鉛山崇義鄉謝枋得有記

疊山集

陳汪二賢祠在府學東祀宋陳康伯汪應辰

端明祠在玉山城隍廟東祀宋汪應辰舊名端明書院明萬

曆庚辰改今名知縣周日申記

謝文節祠在弋陽縣東二里祀宋謝枋得明正統間御史李

奎疏請褒贈建祠景泰間賜謚文節

忠節祠在永豐治西明景泰間知縣杜斌建祀前令鄧顯

陳總兵祠在鉛山陰漿口明正德間總兵陳榮陷賊死爲立

祠

夏文愍祠在府城西太平坊祀明大學士夏言

二徐祠在上饒東門外爲明徐樾徐貞明建鄒元標有記

廟

府城隍廟在治西明洪武元年知府王範重建何喬新記

各縣城隍廟上饒在縣治左 玉山在縣治西 弋陽在縣

治西 貴溪在縣治東山嶺 鉛山在鵞湖鄉 永豐在

縣治西 興安在縣治南

太甲廟在玉山安平鄉以伊尹配

赭亭廟在鉛山縣赭亭山宋宣和間建祀漢赭亭侯李恂又
弋陽有廟曰惠愛

孚惠廟在府城南德濟坊唐天寶間建祀晉石敬純有袁蒙
齋記又貴溪鳴山廟即其神也楊簡有記

靈山鷹武李將軍廟在上饒靈山石人峰下神諱德勝唐德
宗朝由進士出守信以禱雨坐化遂立廟宋宣和間神助
討方臘賜鷹武廟額紹興初守令乞靈擒永豐賊奏封助
靈將軍明嘉靖朝賜號江西靈山鷹武李將軍之神大學
士夏言製欽祀文又府城南谷有靈雨祠亦祀將軍知府

吳希孟建并記 夏桂洲集

昭烈廟在玉山治後祀唐張汴宋紹興中勅封忠靖威顯靈
佑英濟王南安民查仲正命工塑像立祠宋蔡薦有記元
至正改封護國忠靖威顯景佑真君賜額忠節有倪中記
一在永豐宋汪應辰記

夏太保廟在玉山招善鄉宋建炎初建失其名相傳尚書夏
夢龍其仲氏也唐末登進士第徙居於信兄弟能禦寇既
歿鄉民德之立廟亭中記

威顯廟在貴溪縣治南祀唐信州靜邊總管使桂卿宋慶元
間勅賜今額謝枋得記

江元帥廟在府城南祀雷霆之神宋元帥江顯也

威信廟在永豐將軍嶺宋紹興間建祀韓蘄王世忠舊傳祀

韓信者非

壇墳 附

府社稷壇在治西北天津橋明知府周郁改置

各縣社稷壇上饒附郭 玉山在縣西 弋陽在縣治西一

里 貴溪在治西四里 鉛山在縣西五里 永豐在縣

西一里 興安在縣南一里

風雲雷雨山川壇在府治溪南

各縣風雲雷雨山川壇上饒附郭 玉山在縣治東 弋陽

在縣治西南 貴溪在東門外 鉛山在城南二里 永

豐在治南一里 興安在縣治東南

厲壇在北門外五里許

各縣厲壇上饒附郭 玉山在縣治北三里 弋陽在縣北

二里 貴溪在縣西北一里 鉛山在縣北三里 永豐

在治西北一里 興安在縣北一里

饒州府

祠

九賢祠在府治內祀吳周魴晉虞溥王廙梁陸襄隋柳莊梁

文謙唐張廷珪顏真卿李復為九賢後又增祀李吉甫馬

植 名勝志

忠孝行祠在府城靈芝門內祀晉石敬純宋咸淳間重修內

有古柏人不敢伐安仁之三峰樂平之孚應即其神也有

楊簡記

程氏世忠祠在浮梁西隅祀梁程靈洗以下諸人宋嘉定間

賜額世忠

孝女饒娥祠在樂平長城鄉汨灘里唐柳宗元宋楊簡馬廷鸞各有記

顏范二賢祠舊在州治頌春堂祀唐顏真卿宋范仲淹州守王十朋遷於慶朔堂右自爲記後廢明嘉靖間知府王健同知徐拭重建於薦福寺後

董端公祠在德興縣八都唐季黃巢之亂御史董全禎與賊戰死鄉人祀之蘇軾題額

忠賢祠在德興之長豐里祀董全禎董鼎又董申有义公祠董梗妻王氏有節義祠

劉漢英祠在樂平縣東六十里相傳值黃巢亂佐父劉汾捍禦一方民感而祠之

金令祠在浮梁縣治左祀唐令金安明嘉靖間增祀其子金

叔彥次子金叔遲繼爲令有功于民并祀之萬曆間知縣徐學聚重修有記

徐忠愍祠在德興天門山祀宋樞密徐俯父禧

趙福王祠在餘干縣祀宋丞相趙汝愚

程剛愍祠在鄱陽舊學右祀宋程振端平間州守林杲建已廢樂平萬年俱有祠李伯玉記

洪忠宣祠在府治右茶條巷內祀宋洪皓一在樂平金山鄉趙汝騰有記

江古心祠在府學東亭子巷口祀宋丞相江萬里監生裴春奏建已廢

曹無妄祠在萬年縣一都祀宋曹建有李伯玉記

趙宣撫祠在樂平萬壽觀祀宋趙葵丞相馬廷鸞有記

王尹祠在萬年縣十都祀宋尹王世輔

張將軍祠在安仁縣惠寧廟東祀宋末張孝忠元弘文少監

歐陽玄記 名勝志

按孝忠道州人與謝枋得同守信州死於戰元元統二年編修官胡式奏封翊靈威烈忠毅張元帥明洪武三十五年禮部勘合置牌位擬稱玉真山宋承信郎帳前都檢點張公之神云

笄丞祠在德興寶賢坊祀元笄勝明尚書孫原貞有記

許忠臣祠在樂平安隱寺右祀明許瑗嘉靖間知縣龐尚鵬建

陶守祠在鄱陽三皇廟西廡祀明初知府陶安有李實碑記胡忠臣祠在鄱陽白蓮池北祀明大理卿胡閏以女貞姑配

忠貞祠在德興縣八都祀明御史大夫練子寧

程節孝祠在樂平登高山麓明萬曆乙酉知縣鍾化民為程仕簡建并記

忠勇祠在安仁惠寧廟東祀姚源戰死士倪烈嘉靖己丑勅封毅烈迪功郎扁額忠勇又樂平有義勇祠祀姚源陣亡四十八人

民母祠在萬年縣四都祀明叅政吳廷舉湛若水有記

正學祠在餘干東山麓明萬曆戊寅建祀胡文敬居仁

古城祠在餘干東山麓祀明布政張吉後圯附祀東山書院

昭忠祠在浮梁楊家園左祀明孫忠烈燧許忠節達有閔文

振碑記

楊副使祠在浮梁縣明嘉靖間建祀按察副使楊紹芳

許副使祠在萬年縣祀明兵備道許廷光知縣白繡建
劉令祠在浮梁景德鎮祀明令劉守愚御史余翱記
賢令祠在德興縣祀明趙德剛有戴儒記許公高有張琨記
黃金色有舒鰲記

鍾侯祠在樂平察院前祀明萬曆知縣鍾化民鍾應內召民
像祀之爲立義田史桂芳有記
廟

府城隍廟舊在贛洲門明洪武元年太祖克江州幸鄱至南
門外御書城隍之神扁額祀以少牢八年知府王哲遷建
舊府學東

國朝康熙十年知府王澤洪重修并記
各縣城隍廟鄱陽在縣治左唐建 餘干在元明觀舊址

樂平在縣東南長樂坊 浮梁在縣治東 德興在縣南

仁德坊 安仁在安平坊 萬年在縣西門

三皇廟在府治北東華巷元建祀伏羲神農黃帝命醫學陰
陽官春秋行釋奠禮已廢

堯山廟在鄱陽義感鄉相傳神爲堯時人避洪水於此歿爲
山神因祀之

屈原廟在鄱陽崇德鄉俗名水府廟每旱禱立應

吳文王廟在鄱陽毛家巷祀漢長沙王吳芮祠舊在州治內
宋知饒州范仲淹遷治西明洪武初知府王哲遷今處又
餘干浮梁樂平德興安仁俱有祠廟

蜀三大神廟在鄱陽禮遜坊宋彭大雅帥蜀歸立廟

清源廟在浮梁之新田祀秦蜀郡太守李冰宋邑人李澗使

金資神之祐因立廟

韓信廟在鄱陽韓山

名勝志

寶福侯廟在鄱陽芝山相傳祀漢樊噲以禱雨有應宋元豐間奏封寶福侯元末兵燬

梅銷廟在鄱陽車門山

名勝志

祠山廟在鄱陽縣妙果寺傍神姓張名渤字伯奇漢之武陵人元僧南楚奉其像於祠明叅議李天植撤而廣之

珠湖萬碩靈順王廟在鄱陽縣相傳神姓趙名迪有道術由漢至梁猶存宋元豐中賜廟額曰仁濟

義勇廟一在府治朝天門外一在浮梁鎮祀漢將軍關羽雷煥廟在鄱陽和南鄉今為祈雨之所

許真君廟在餘干縣東仙人峰相傳晉許遜於此上昇

祐陶廟在浮梁景德鎮明洪武間少監張善建祀祐陶之神

趙慨相傳神為晉代人詹珊有記

陶書

郭西廟在鄱陽永平關祀梁昭明太子統本池州廟神能彌火災宋時邑人迎祀於此

劉巡官廟在鄱陽永平關祀隋大業間鄱陽巡官劉宗弘靈順廟在德興縣東南唐永徽初張蒙逐白鹿至銀峰失所在有少年指示之獲銀筍里人即其地祀之

忠靖王廟在鄱陽永平關祀唐張巡明知府李益重修建旌忠閣於後丘霽撰碑記一在浮梁治東名昭烈廟

英孝烈女廟在德興南門外祀唐烈女程氏報父兄之仇刺史裴士淹刻石頌其事鄉人立廟宋紹興十年縣令鄭鞏重修樞密徐俯有記

余鐸廟在餘干白雲城唐黃巢亂鐸捍禦有功民立祠祀之
甯將軍廟在浮梁常尚都神名賡黃巢之亂與弟袞率眾保
守鄉人祀之程楷記

鄭司徒廟在浮梁騰鳳都神兄弟三人傳玟魯捍禦黃巢民
立廟祀

五姓廟在浮梁梧溪祀唐兵部尚書呂曙江東安撫使閔鏜
及詹傳書楊先鋒林旗頭五人以同討黃巢立廟祀之
保靈廟在德興七都唐咸通十四年黃巢寇長安黃勉討之
有功追封保靈王立廟

惠寧廟在安仁縣惠寧坊祀唐進士柳敬德乾符間以神兵
拒王仙芝宋淳祐中加封靈顯忠烈惠澤王宣和間賜祠
額曰江介名祠元至大間加封顯應普惠冲祐真君邑人

倪鏜有記明洪武三十五年知縣邵真上其事定祭祀儀
注視山川置碑位曰玉真山之神

忠烈康王廟在鄱陽魁輔坊北祀宋康保裔元末燬明洪武
初重建尚書魏驥有記

雲溪廟在安仁長城鄉祀宋周雄

角山廟在德興躍麟門外祀宋死節縣丞王貴

晏公廟在鄱陽城西祀元文錦局堂長晏戍仔

忠臣廟在鄱陽康郎山祀明初死事之臣凡三十六人封公

爵一人丁普郎侯爵十二人韓成宋貴王勝陳兆先李信

金昶呂文貴李志高張志雄徐公輔劉義陳弼伯爵二人

程國勝王咬住子爵十三人姜閏石明王德常惟德遠德

山汪清朱鼎裴軫王鳳顯王喜先陳冲汪澤丁宇男爵八

人表華鄭興曹信史德勝翟世榮常德勝王理王仁序其
位次塑其像貌定其祭儀天順間葺之尚書孫原貞記成
化間重修學士張元禎記嘉靖間重修知縣馮汝弼記萬
曆間重修訓導李中記歲久圯

國朝康熙三年重建知府王澤洪記

東嶽廟舊在鄱陽芝山東宋宣和間移建府治北

龍王廟在鄱陽義感鄉龍王山

珠湖廟在鄱陽義感鄉珠湖之濱

壇壝

附

府社稷壇在靈芝門外明洪武初建

各縣社稷壇鄱陽附郭 餘干在治西北楊坪 樂平在治

東窰岡舊在平西門外楊簡記明洪武間遷今所 浮梁

在治西水南關即宋元舊址 德興在治南黃家塘 安

仁在縣東南流沙嶺 萬年在西門外

風雲雷雨山川壇在永平門外薦福山

各縣風雲雷雨山川壇鄱陽附郭 餘干在大慈寺址明洪

武間知州唐志大遷建 樂平在登高山之巔明萬曆間

知縣鍾化民遷建 浮梁在溪南山麓 德興在鳳凰門

外 安仁在治東 萬年在南門外

厲壇在朝天門外明洪武間知府王哲建

各縣厲壇鄱陽附郭 餘干在華林岡 樂平在縣治東北

浮梁在寶積寺山南 德興在白鹿門 安仁在治西

藍溪橋 萬年在治北

南康府

祠

諸葛武侯祠在星子左翼山康熙丁巳知府倫品卓重建忠節祠在南康鹿洞西臥龍岡祀漢諸葛孔明晉陶淵明知府田瑄有記 名勝志

廬嶽祠在星子縣廬山萬壽寺之上祀廬嶽之神

許旌陽祠在安義縣依仁鄉前有大石高廣數丈一茅插頂四時皆青相傳為許遜手植

五賢祠在府學東朱子知軍時訪古今名士居是邦者得陶潛劉渙渙子恕陳瓘李常輩建祠祀之 廬山志

豐利侯祠在星子西南三十五里世傳中都侯蔣子文之後名軒者仕晉為侍郎出鎮廬江郡後詔赴闕卒於牛角灣鄉人立廟宋賜今額朱子有祈雨祝文

顏魯公祠在府城北五里顏家山明萬曆間知府田瑄建先賢祠在白鹿洞祀唐李渤宋楊徽之元黃異有吳澄記宗儒祠在府城舊名三賢祠祀唐李賓客渤宋周濂溪朱紫陽明弘治間提學蘓葵止摹周朱二子像於中而遷李賓客主於別室後提學邵寶又以林擇之等十四人從祀改曰宗儒祠楊廉李夢陽俱有記

周濂溪先生祠在府學右朱子守南康時建配以二程先生張南軒記文公沒門人以二程別有從祀乃奉朱與周同祀扁曰二賢祠元末燬明洪武初改建府治南王禕記三賢祠在建昌北門外祀周濂溪朱紫陽胡安定知縣李道泰有重修記

劉西澗祠在府治東祀宋西澗居士劉渙

三賢祠在府治北祀宋李常蘓軾曾常伯

胡安定祠在建昌縣市東祀宋儒胡瑗元延祐初邑人張菊
隱重建

紫陽祠在星子白鹿洞康熙四十八年知府張象文建祀朱
子以林擇之蔡沈黃幹呂炎呂燾胡泳李燔黃灝彭方周
耜彭蠡馮椅張洽陳宓陳澔十五人配享 白鹿洞志

濟忠祠在都昌西街祀宋丞相江萬里及弟萬頃舊名雙忠
祠蘓佑有記明萬曆間增祀萬里子鎬萬頃子鐸參議王
世懋易其額曰濟忠并記

五呂先生祠在建昌之蕪山祀宋儒呂德藝德明德文德昭
德遠兄弟

李文定祠在建昌西門外祀宋朝奉大夫李燔元廢明永樂

間提學周廣移建城隍廟右

雲住祠在都昌西山下舊名歸經書院明萬曆七年改今名
祀宋儒雲住先生陳澔

黃節菴祠在星子縣顏家山祀元道源書院山長黃異知府
田瑄建

王文忠公祠在府學東祀明南康同知王禕有彭夢祖重修
祠記

周顛仙祠在廬山明太祖勅建并有御製碑記 豫章書

楊先生祠在星子學東祀明教諭楊升正統間知府王端建
以余南坡配學士錢習禮記

三烈祠在建昌上遼津南明崇禎末左兵過里熊士夔妾淦
氏同熊女芷姑穎姑投河死浮尸如生鄉人哀之立祠祀

馬

廟

府城隍廟舊在譙樓東明洪武三年遷府治南姚林有記
各縣城隍廟星子在縣南 都昌在治東唐元和間建
國朝順治十六年重修 建昌在縣北明洪武三年倪恭建
安義在治東明正德十三年建

東嶽廟在建昌治東二里明洪武間知縣倪恭重建

宮亭廟在星子縣神林浦東魏曹毗詩分風爲二擘流爲兩
者是也宋景德間勅著祀典 名勝志

靈濟廟在建昌蘆潭祀龍王之神晉太康間建宋賜靈濟廟
額元季燬明復建

三將軍廟在府治西二十里世傳秦武士唐健威李德及宋

刁雲棄官學道隱於廬山不知所終鄉人爲之立廟

吳王廟在安義縣依仁鄉祀吳王芮

樊將軍廟在建昌治北十里相傳祀漢將軍樊噲宋封威利
侯一在安義治東名西域廟

寶蓮廟在安義縣東控鶴鄉祀漢梅福

漢壽亭侯廟在府城冰玉澗

陶桓公廟在府城北祀晉陶侃宋淳熙間朱子奏賜廟額劉
羲仲記元吳澄有重修記明洪武四年勅賜晉侍中大司
馬長沙陶桓公之神每歲夏季舉祀一在都昌縣

文孝廟在府治西灣祀梁昭明太子統

洪源廟在安義西山嶺下祀清源妙道真君趙昱

七姑廟在白鹿洞勘書臺下祀唐江州刺史李渤女宋淳熙

間始建

壇壝附

府社稷壇在治西

各縣社稷壇星子附郭 都昌在治南一里 建昌在治北

安義在治北

風雲雷雨山川壇在府東一里錦江驛舊址

各縣風雲雷雨山川壇星子附郭 都昌在縣東望湖嶺

建昌在隆道觀舊基 安義在南門外

厲壇在府治北門外

各縣厲壇星子附郭 都昌在治北二里 建昌在北門外

安義在北門外

九江府

祠

孔氏家祠在廬山西麓相傳宋建明初孔承節重修

曾子祠在德化縣明萬曆二十三年建祀後被焚

國朝康熙六年知府陳謙重建文德翼有記 求是堂集

四賢祠在府治東祀漢宋均晉陶潛唐狄人傑白居易

槐里侯祠在瑞昌縣西白龍泉洞口祀漢右將軍萬修

陶桓公祠在府城南甘泉鄉明羅倫有重修記

玉壺祠在湖口都盛鄉相傳晉永嘉間許真君遜祛妖於黃

牛狀人神其事乃立祠

陶靖節祠在德化楚城鄉柴桑山下歲久圯明嘉靖十二年

巡按御史李循義檄知府馬紀重建湖口彭澤俱有祠

陶白祠在府城文明門甘棠湖上祀陶靖節白居易明萬曆

癸丑兵巡道葛寅亮建旋燬

國朝康熙十一年知府江殷道重建有記

三賢祠在彭澤治南唐景龍中建祀晉陶靖節明成化中增祀唐狄文惠仁傑嘉靖間知縣戴璋又增祀宋趙昂發改今名

狄梁公祠在湖口縣下觀音巖祀唐狄仁傑宋范仲淹元滕賓明何倫俱有重修記

元次山祠在瑞昌縣灤溪倉城墩宋蘓軾過此賦詩明嘉靖中知縣洪均偲因合祀結與軾更名二賢祠

白居易祠在府治湓浦門內徐鉉有記

濂溪祠在廬山之麓明正統初御史徐傑副使焦宏即書院故址改建肖像其中一在彭澤縣

張橫渠祠在德化縣赤松鄉橫渠曾孫陽學欽宗朝進士職掌院事會金人之變同長子經次子綸家於吳楚故有祠焉建於元燬於僞漢明宣德間復建又燬於兵

國朝順治十一年知府王孫章重建文德翼有記

求是堂集

岳母祠在德化縣白鶴鄉株嶺山下祀宋岳飛之母明正德中知府汪穎建

岳武穆王祠在府治南明正德七年知府李從正建一在湖口縣

趙忠定祠在德化廬山麓祀宋相趙汝愚

五賢祠在德安縣祀宋守李澗楊沂王秬李邦獻李若川

四忠祠在德化豐儲坊祀歷朝死事諸臣宋鈐轄趙士隆元總管李黼明經歷彭永春德化知縣朱華玘文德翼有創

四忠祠序

求是堂集

李文忠祠在府治東豐儲坊祀元總管李黼賜額崇烈明弘治三年知府童潮以兄冕姪秉昭配祀自為記周敘又記按豫章記載丁鶴年詩云叔姪並歸忠義傳江山不盡古今愁舊志止載文忠一人今為補入

王文成祠在府治南萬曆間兵巡道葛寅亮建

表忠祠在湖口縣成德嶺下祀明給事中鄒逢吉

義烈祠在瑞昌演武廳右明嘉靖辛酉流賊犯廣信巡撫胡

松檉瑞昌鄉兵柯談吳黃王五姓勦之事既竣錄死事者

三十人自為文祭之

廟

府城隍廟在德化太寧坊元皇慶間重建吳澄有記

各縣城隍廟德化附郭

德安在縣西宋淳熙七年建

瑞

昌在縣西興教坊右明洪武間建

湖口舊在縣治旁元

至正間遷治西北

彭澤在興賢坊宋建

祝融廟在府城文明門甘棠湖上

匡君廟在德化南臨驛前祀匡裕兄弟

太平寰宇記

九江王英布廟在府城福星門外

漢壽亭侯廟在德安縣南門外

祖將軍廟在鄱陽湖中唐歐陽詹集云魯國顏公頃為湖州

牧州產碑材公載石還次江州蛟奔蟠引直至湖心則茂

林峭石勢環氣騰有神祠曰祖將軍廟公異而新之製文

勒碑以記將軍蓋祖述也

謝安廟在瑞昌金城鄉

英烈廟在彭澤縣北清涼寺左唐貞觀間創祀梁昭明太子
蕭統宋嘉定甲申賜號英烈

楊東山廟在瑞昌治南祀唐禮部侍郎楊復仁

廬山使者廟在德化縣唐開元十九年勅建 名勝志

東嶽廟在府治東即唐景星書院舊址

龍王廟在府城湓浦門外

大孤山廟在大孤山頂宋隆興間建

顯濟廟在瑞昌安泰鄉白龍泉側宋嘉泰間建賜額顯濟

陶九相公廟在德化九龍灣明正德中九江大早有僧謂湖

濱父老曰諸神能救旱者惟陶九耳今其像在黃梅五祖

寺之廡下父老怪之往訪迎歸果大雨因祀之按陶九天

完之裨將也

壇壝 附

府社稷壇在治東北

各縣社稷壇德化附郭 德安在縣北一里 瑞昌在縣西

北 湖口在湖塘山後 彭澤在觀音山

風雲雷雨山川壇在府治文明門外

各縣風雲雷雨山川壇德化附郭 德安在縣南 瑞昌在

治南半里 湖口在松壽山右 彭澤在縣治南

厲壇在府治望京門外

各縣厲壇德化附郭 德安在治東 瑞昌在望仙橋東

湖口在西灣塘 彭澤在縣東北

南安府

祠

西江志 卷一百九
梅將軍祠在府治東山麓祀漢臺侯梅銷

庾將軍祠在大庾水南玉池坊祀漢將軍庾勝今廢

李衛公祠在大庾水南玉池坊祀唐李靖已廢

張丞相祠在庾嶺雲封寺祀唐張九齡明成化間知府張弼

暨南雄知府江璞拓地重建

廖公祠在上猶城東南祀唐時顯聖禦寇護國佑民廖公歷

宋元明代加崇祀

狄太尉祠在大庾水南東山麓祀宋武襄狄青

東坡先生祠在大庾學右姚希得有記後併祀寓賢祠

四賢祠在大庾學東舊名道源書院祀宋周元公二程子

國朝康熙間知府靳襄增祀宋程大中珣改今名

寓賢祠舊在大庾寶積寺後名五賢祠祀宋程大中珣蘓子

瞻軾劉器之安世江名表公望張子韶九成明成化庚子

知府張弼遷城南玉池坊增祀蒙川劉黻更今名教授史

昱有記

岳武穆祠在大庾水南東山麓祀宋少保岳飛

康侯祠在大庾孝友坊祀宋節度使康保年

文丞相祠在道源書院左祀文信國天祥以督府諮議大庾

唐仁上猶李梓發及上猶義士黃賢張伯子劉淵子張南

仲陽清叟黃桂發配食

忠義祠在上猶學宮後祀宋令李申巽義士李梓發唐仁黃

賢張伯子劉淵子張南仲陽清叟何時黃桂發

賢女祠在南康縣西二十五里宋端拱間建祀劉氏女政和

六年曾定國有重修記明嘉靖甲寅知縣曾迪重建天啓

間知縣陳瑾爲文勒碑大書賢女自沉處

甘烈婦祠在上猶縣妹資潭祀宋烈婦何用妻甘妹資

南岳行祠在府城西瑞應坊歷代祀南岳之神

文昌祠在上猶縣治東明天啓間知縣陳鍾英建

龍母祠在府治東廣化院左水旱疾疫輒禱於此

張總管祠在大庾衙背巷祀元末總管張元祚

大節祠在南康學東祀明叅政蔡運

楊韓二中丞祠在大庾玉池坊城隍廟西初祀明巡撫侍郎

楊寧後增祀巡撫都御史韓雍今圯

王陽明祠一在大庾玉池坊名報功祠久廢一在南康旭山

劉節有記一在上猶學後名感恩祠一在崇義學東萬曆

間知縣林際春有重修記

韓襄毅祠在南康縣旭山祀明虔南巡撫韓雍與王守仁並

祀

張東海祠在府治西明弘治間建祀知府張弼正德間以知

府鄧應仁合祀

白沙祠在大庾之玉枕山明成化間建祀新會翰林檢討陳

獻章已廢

西洲祠在上猶學右明嘉靖間知府林介遷學有功故祠之

周守祠在府治東祀明知府周鏗後改爲遺愛祠增祀知府

鄧應仁鄭登高陳堯後圯俱併入名宦祠

林宰祠在崇義觀音山下祀明令林大佐吉水鄒南臯書匾

曰清風堂今惟址存

廟

府城隍廟在管界都玉池坊仍宋元明舊址

各縣城隍廟大庾舊在興教寺左康熙七年知縣胡濼改建

府城隍廟左 南康在城東北隅明季燬於兵順治十二

年知縣鄭思魯重建 上猶在縣治東 崇義在儒學左

三皇廟在上猶縣東城外今圯

龍王廟在南康九牛水驛舊址一在崇義縣

琴龍廟在上猶治西五十里元延祐丙辰旱達魯花赤楊伯

顏察兒因禱雨有應祠之

壇壝附

府社稷壇在寶豐門外寶珠山南明正德辛巳知府何文邦

改置

各縣社稷壇大庾附郭 南康在縣西印塘 上猶在治西

一里 崇義在城西

風雲雷雨山川壇在府城南一里明洪武初知府宋琪建正

德間知府何文邦重修

各縣風雲雷雨山川壇大庾附郭 南康在縣西南古城嶺

上猶在治西一里明洪武七年知縣劉大錫建 崇義

在城南

厲壇舊在府城北太公殿後山坳下明洪武間知府宋琪建

正德中知府何文邦遷金蓮山

各縣厲壇大庾附郭 南康在治北旭山亭右 上猶在城

東資壽山後 崇義在城北

贛州府

祠

名將祠在安遠西門外明知縣王卜相建祀漢韓信宋岳飛
霜降致祭

忠臣祠在寧都文明門內祀唐張巡

葛姆祠在興國衣錦鄉相傳自交趾至此築城因家焉宋慶
元間知縣莊夏禱雨靈應額曰惠應

五賢祠在寧都延春谷舊為孫氏四賢祠宋熙寧中復以介
夫配改五賢祠元吳澄撰碑記趙子昂書吳文正集

黎氏賢良祠在寧都安靖坊祀後梁刺史黎球宋進士黎仲
吉修撰黎珣元至治間建吳澄有記同上

周濂溪祠在雩都羅田巖即周子講學之地嘉熙庚子縣令
周頌建以二程子配

程大中祠在府學右宋紹定六年州守姚鏞肖像建祀

清獻濂溪祠在府治西北隅宋贛守胡榘建文天祥有記明
贛縣知縣陳履忠移建光孝寺左改廉泉書院

清忠祠在府治宣明樓右祀宋趙清獻抃文信國天祥明都
御史周用重新之自為記後知府羅輅移建府治外有歐

陽鐸記

玉巖陽先生祠在通天巖明憲使趙御名建祀宋祕書陽孝
本嘉靖中改祠巖下

忠烈祠在瑞金治右祀宋諫議大夫劉鵬知州劉舉夔父子
明隆慶間知縣李若愚建并記

名賢祠在興國之安湖宋慶元間建祀程大中父子方逢辰
有記明萬曆間知縣何應彪改名增祀三程居中左信國
而右文成葉向高有記

五賢祠在興國治左祀宋程顥程頤李朴文天祥元元明善
尹天民祠在會昌舊學宮之左

精忠祠在府南景德寺右祀宋岳武穆王飛

忠節祠在龍南學左祀元尹陳泰

雙節祠在信豐儒學東祀元尹李廉及其子敬

繹梅謝公祠在府北玉虹塢前祀明都御史謝杰里人謝詔

記已廢

王文成祠舊在府治東南今遷府學之右有石刻像南昌張

位記

報功祠三一在贛縣學右祀新建伯王守仁以知府邢珣配

一在長寧鎮山樓左祀總督江一麟叅政張士佩副使朱

茹知府葉夢熊一在安遠治西祀王守仁及虞守愚有李

春芳記隆慶間增祀吳百朋李多祚崇禎十年又增祀潘

曾紘謝時旦

陸中丞祠在府學左祀明都御史陸穩有尚書張鰲碑記

海忠介祠在興國治西祀明令海瑞有王芮記後增祀盧宁

更名盧海祠曾于拱記

國朝康熙甲子去盧以黃維桂配改海黃祠辛卯知縣張尚

瑗益以宋程珦莊夏與盧黃並祀焉

何善山祠在雩都北門濠背祀明工部主事何廷仁

盧太常祠在寧都城隍廟右祀明太常盧逵

盧令祠在府館右祀明興國知縣盧宁副使曾于拱有記

羅念菴祠在贛縣鳳凰臺祀羅洪先以講學之地改建

萬令祠舊在瑞金北街明正德丙寅建祀死難知縣萬琛嘉

靖間遷府館右隆慶間知縣呂若愚重修匾曰忠令祠後
知縣程宗舜以嘉靖死難義勇鍾華鐸等十四人從祀
國朝順治二年死於廣寇義勇李開上李生豔五年死於江
賊楊耀明等百餘人俱附祀焉

四賢祠在瑞金龍珠寺左祀明末舉人朱國卿諸生謝長良
楊兆隆謝啓彥知縣吳可敷有記

烈女祠在會昌麗澤門內祀明平遠知縣王化妻計氏

英烈祠在會昌珠欄舖祀死賊義勇劉震

佟中丞祠在府城湧金門內祀贛撫佟國器後因水患改建
牌頭街

郎永清祠在府城棉布街吉水李元鼎有記康熙四十四年
以子廷極巡撫江右

御書世貞堂字額懸之祠堂學道劉琰有記

廟

府城隍廟在萬壽宮左

各縣城隍廟贛縣在治左明萬曆間知縣楊汝昇重修邑人

謝詔記 雩都在治東明洪武間知縣宋弘建 信豐在

南門外 興國在北門外明知縣馮欽建 寧都在治西

明天順中建 會昌在麗澤門內康熙庚辰典史王大憲

倡建 安遠在治西 瑞金在察院司右宋建 龍南在

治東宋令鄭輪建 石城在治東北順治壬辰知縣董令

譽重建 定南在學宮左 長寧在城北大街

昌文侯廟在雩都治西舊云灌嬰定江南置豫章郡尉陀擾
邊嬰將兵擊之駐於雩築城東溪即其駐壘處立廟祀之

宋紹熙庚寅燬於寇嘗有人掘其處得石瓦於左池可爲
硯州守洪邁有灌瓦硯銘

江東廟在贛縣雷岡之上祀秦石固屢著靈異唐大中間里
人周誠重建宋嘉祐賜額顯慶紹興加封昭烈文信國有
記元加封王號明洪武中勅有司歲以正月初八誕日致
祭移祀城內四路口宋濂有記

廣濟廟在府城北儲潭山麓相傳晉咸和二年州守朱瑋提
兵討蘓峻次儲潭夢神告曰我爲儲 奉帝命司此土人
無知者君能爲廟祀當有以報瑋如其請祠之乃行果克
敵而返宋紹興中賜今額元至順中修有劉泰記明洪武
間儒士呂理募修知縣陸賢記

潛靈廟在府治南噴龍石之麓晉咸康五年太守庾恪建以
祈雨靈應宋賜今額明永樂中勅封廣潤侯勒碑廟前
英顯廟在瑞金東城內爲唐義勇馮祥興祥禎祥兆建宋紹
興閒賜額英顯

博濟廟在寧都潭富村宋崇寧乙卯建祀南唐邑人胡雄賜
額博濟明進士莊震孫記

孚惠廟在寧都之北郊祀五代時都督嚴夏宋建炎紹興間
屢以靈異加封爵邑人曾原一記

歐陽將軍廟在安遠龍泉保神名是五季時以禦寇功仕楊
吳授工部尚書嘗與妹九姑屯兵嶺上後人立廟其地宋
端平間贈晃千牛衛將軍

張武翊廟在安遠寶陽門外相傳武翊爲巡檢捕賊戰沒馬
銜其首以歸馬遂死邑人葬其首并埋其馬因名白馬墓

立廟祀之

開平忠武王廟在府治南明初常遇春提兵下贛不戮一人
詔許廟祀知府陳璧建

東嶽廟在石城進賢坊明熊懋官有重修記

雩山廟在雩都宣義鄉宋淳熙丙午州守周必正建祀雩山
之神邑令周頌記明知縣蘓恪重修

軍山廟在寧都東門外以祀軍峰山神

琪湖廟在安遠修田坊宋嘉定間知縣陳樸建祈禱輒應明
洪武十七年知縣周泰重建

溥濟廟在寧都雙魚洲又名龍王廟至元中建祀水神謝端
公明萬曆邑人重修改其額曰靈濟同知何天德有記

壇壝

附

府社稷壇在西津門外明洪武庚戌知府鄒奕建

各縣社稷壇贛縣附郭 雩都舊在水南祕書坊明洪武間

知縣宋弘遷建妙淨寺西 信豐在城西禾豐門外 興

國在許瑤岡之陰 會昌在黃坊 安遠在大興寺後

寧都在治西二里 瑞金在城西 龍南在南門外 石

城在西城外即明儒學射圃舊址 定南在縣西 長寧

在城西南一里

風雲雷雨山川壇在鎮南門外

各縣風雲雷雨山川壇贛縣附郭 雩都在縣治西南 信

豐在禾豐門外 興國在南岡康熙丙戌知縣張尚瑗重

建邑人劉天真記 會昌在黃坊 安遠在濂江坊 寧

都在縣西南 瑞金在縣南二里 龍南在南門外 石

石 祠廟

城在縣南 定南在縣南 長寧在城南二里
厲壇在府城北

各縣厲壇贛縣附郭 雩都在縣北二里康熙丙戌知縣盧

振先重建 信豐在縣北三里 興國在演武亭東 會

昌在治西南水背 安遠在古田坊 寧都在縣北明洪

武間知縣莊濟翁建 瑞金在縣北一里 龍南在西門

外 石城在風禽嶺 定南在縣北 長寧在城北一里

西江志卷第一百九

